



TRNOVO



opcina.trnovo@bih.net.ba



www.trnovo.ba

Informativni bilten Općine Trnovo

Mart, 2024.





OPĆINA TRNOVO



www.trnovo.ba

SADRŽAJ

Bjelašnica	4
Infrastrukturni projekti Općine Trnovo	7
Naša djeca - naša budućnost	18
Društvena odgovornost	21
Privreda	24
Turistički potencijali	25
Kultura i sport	28
Obilježavanje značajnih datuma	31
Općinsko vijeće	36
Radne posjete	39
Općina Trnovo	44

Izdavač: Općina Trnovo; Godina izdanja: 2024.godina;
Urednici: Haris Pindžo, Ajla Lindov; Tekstovi: Ajla Lindov, Kimeta Zolota; DTP: Haris Pindžo

Općina Trnovo

Neka od pitanja koja su građani uputili Općinskom načelniku na održanim javnim raspravama

Jesu li vrata Općine i vas kao načelnika i Općinskih službi otvorena za sve stanovnike općine?

Općina Trnovo svojim aktivnostima i kroz svoje projekte želi se pozicionirati na visok nivo kao lokalna zajednica koja brine o svojim građanima, te koja na prepoznatljiv način osigurava spoj tradicije, održivog razvoja i kvalitete života za svoje građane i ljudi koji u njemu borave, rade i investiraju.

Koliko je po vašem mišljenju bitno da načelnici općina ostvare dobru i kvalitetnu komunikaciju?

Dobra komunikacija je ključna za posao Općinskog načelnika, najvažnije je dobro komunicirati svoje ciljeve prema određenim ciljnim skupinama, mislim da smo svi toga svjesni, ja nastojim da to radim najbolje što znam. Definitivno najlakša za mene je komunikacija sa građanima, u toj komunikaciji nikada nisam imao problem što dokazuje i dužina mog mandata.



Od kada ste preuzeли dužnost prvog čovjeka općine pa do danas koliko ste zadovoljni urađenim na području vaše lokalne zajednice?

Kao načelnik kako sam zadovoljan urađenim, dosta je toga što smo napravili i postigli, mnoštvo realiziranih projekata kako infrastrukturnih tako i onih kapitalnih, ali moram naglasiti kako rješavanje problema ne bi bilo moguće bez kvalitetne saradnje s Općinskim vijećem s obzirom da se preko 95 posto odluka donosi jednoglasno, na tome sam jako ponosan.

Koliko u ovoj godini Općina planira uložiti konvertibilnih maraka u gradnju i uređenje komunalne infrastrukture?

Općina posebnu pažnju posvećuje izgradnji infrastrukture, jer je ona zapravo preduvjet za svaki razvoj. U narednoj godini Općina u okviru Programa kapitalnih ulaganja planira uložiti 16 miliona konvertibilnih maraka za projekte koje će finansirati iz vlastitih sredstava i sredstava viših nivoa vlasti. Izdvojiti ću izgradnju saobraćajnica, rekonstrukciju i sanaciju puteva, zatim ulaganja u izgradnju vodovodne i kanalizacione mreže i slično. Svakako osim komunalne infrastrukture, izdvojio bih još nekoliko kapitalnih projekata koje finansira ili sufinansira Općina, kao što je projekat izgradnje Poslovno sportskog centra, projekat Strelišta i druge.

Koje je projekte u ovoj godini Općina prijavila na javne pozive kada su u pitanju projekti koje provodi EU ili NVO sektor u Bosni i Hercegovini?

Općina se ozbiljno priprema za pisanje i prijavu na ovakve projekte. U ovoj godini smo s tim u vezi organizovali inhouse obuku za pisanje i prijavu projekata, koju je uspješno prošlo 20 uposlenika Općine, to je grupa mladih ljudi, koji su u protekloj godini prema otvorenim fondovima aplicirali na nekolicinu projekata za koje očekujemo odgovore.

Koliko je važno pitanje povratka na područje općine, te na koji im sve način pomažete kada je u pitanju održivi povratak?

Moram istaći da je Općina Trnovo, kako je vjerovatno svima već poznato specifično područje, specifično podijeljeno nakon rata, no najvažnije da imamo odličnu saradnju sa Opštinom Trnovo u Republici Srpskoj. Nerijetko radimo zajedno na projektima od zajedničkog značaja, Općina Trnovo FBiH finansira mnoštvo, najčešće infrastrukturnih projekata u Opštini Trnovo RS, takav nedavno jedan završen projekat je vodovod u Batićima. Također bih istakao i to da potpomažemo suživot na način da obilježimo sve praznike i na taj način širimo duh zajedništva.

Aktivnosti na podršci sportu prepostavljam nisu zanemarive, odnosno koji sportski klubovi egzistiraju na području općine i ostvaruju li određene sportske uspjehe?

Na području općine Trnovo nažalost ne egzistira niti jedan sportski klub, ali mnogi sportski klubovi djeluju na području općine Trnovo. Općina godišnje izdvaja 160 hiljada konvertibilnih maraka za sport i kulturu, obično je to kroz sponzorstvo sportskih manifestacija, sportskih takmičenja, kampova i slično. Izdvojio bih takmičenje FIS Evropa Cup, koji ćemo finansijski podržati zajedno sa ZOI-em, to je u narednom periodu zasigurno jedan od važnijih sportskih događaja kada je u pitanju Kanton Sarajevo.

Kako ste zadovoljni kada je ekološka svijest kod građana općine Trnovo u pitanju?

Ekološka svijest građana je neizostavan faktor kada su u pitanju ekološki problemi, mi, na sreću nemamo taj problem, osim na Babinom dolu, gdje imamo problem sa odvozom smeća. Kako bi riješili i taj problem mi smo pokrenuli nabavku novog vozila, kojeg će sufinansirati Općina Trnovo zajedno sa KJKP RAD. Također je važno napomenuti i da će uskoro Općina Trnovo ustupiti lokaciju komunalnom preduzeću RAD za reciklažno dvorište. Općina Trnovo izgradila je u svim naseljima propisana mjesta za odlaganje otpada, niže za kontejnere i nadstrešnice, te nemamo niti jednu divlju deponiju na području općine Trnovo. Moram napomenuti i kako svake godine uposlenici Općine Trnovo i ja kao načelnik uzmem učešće u nekoj od akcija čišćenja i pošumljavanja.

40. godina od Zimskih olimpijskih igara

Međunarodni olimpijski komitet 1978. godine, u Atini, odabrao je Sarajevo za organizatora XIV Zimskih olimpijskih igara (ZOI). U konkurenciji su bili japanski Sapporo i zajednička kandidatura dva švedska grada Falun i Göteborg. Za 3 glasa smo pobijedili Japan.

U organizaciju su utrošena velika sredstva. Pripreme koje su trajale godinama, pored dobro organizovanih igara, kao rezultat imaju izgrađene saobraćajnice, hotelske komplekse kako na planinama (Bjelašnica, Igman, Jahorina), tako i u gradu – sportski centar Zetra, proširena Skenderija, izgrađena naselja Dobrinja i Mojmilo za sportiste, dobili smo gasovod, trolejbuse, žičare, ski liftove...

XIV ZOI bile su održane od 8. do 19. februara 1984. godine, kada je Sarajevo postalo centar svjetskih interesovanja. U programu je bilo alpsko skijanje (Bjelašnica i Jahorina), bob i sankanje (Trebević), hokej i umjetničko klizanje (Zetra i Skenderija), biatlon, nordijsko skijanje i skokovi (Igman).

Na ovim igrama prijavilo se 49 nacionalnih olimpijskih komiteta. U Sarajevo je stigao rekordan broj učesnika. Sarajevo je otvorilo vrata i poželjelo dobrodošlicu svima!

Otvaranje XIV ZOI pratilo je oko 60.000 Sarajlija na stadionu Koševo i oko dvije milijarde ljudi putem malih TV ekrana. Olimpijski plamen upalila je klizačica Sanda Dubravčić.

Posebno oduševljenje je vladalo kada je slovenski alpski skijaš Jure Franko osvojio srebrnu medalju u veleslalomu – prvu medalju koju će Jugoslavija dobiti na zimskim olimpijadama.

Jučer je na 23. sjednici Općinskog vijeća Trnovo donesena Odluka kojom u povodu obilježavanja četrdesete godišnjice 14. zimskih olimpijskih igara u Sarajevu – ZOI 84, u znak priznanja Juri Franku za osvojeno 2.mjesto – srebrne medalje u disciplini veleslalom, Općinsko vijeće Trnovo, dijelu skijaške staze na Bjelašnici, a na kojoj je utrka održana daje naziv „Staza Jure Franka“.

Franka su Sarajlije na skijalištu bodrile s transparentima na kojima je pisalo “Volimo Jureka, više od bureka”.

Na ceremoniji zatvaranja Zimskih olimpijskih igara 19. februara tadašnji predsjednik Međunarodnog organizacionog komiteta Juan Antonio Samaranch je rekao kako je Sarajevo najbolji organizator Zimskih olimpijskih igara do tada u njihovoj historiji.

“Doviđenja, drago Sarajevo”, bile su riječi Samaranca.

Sačuvajmo olimpijski duh Bjelašnice i Sarajeva, danas je to glavna poruka, 40 godina nakon Olimpijade u Sarajevu.

Ski staza Olimpijskog centra Bjelašnica je jednoglasno donesenom Odlukom Općinskog vijeća Trnovo, službeno dobila ime "Jure Franko", po legendarnom skijašu i osvajaču srebrene medalje za Jugoslaviju na Zimskim olimpijskim igrama u Sarajevu 1984. godine.

Na ceremoniji povodom obilježavanja 40. godišnjice olimpijade na Bjelašnici obratili su se predsjednik organizacioni odbora Jasmin Ademović, koji se zahvalio Općinskom vijeću i Općinskom načelniku na Odluci koju su donijeli kako bi se ova staza nazvala po legendarnom Juri Franku. Pored gospodina Ademovića na svečanosti prisutnima su se obratili i premijer Kantona Sarajevo Nihad Uk, šef delegacije Johan Sattler, Ministar vanjskih poslova Bosne i Hercegovine Elmedin Konaković, predsjednica Republike Slovenije Nataša Pirc Musar i na samom kraju gospodin Jure Franko, koji je izjavio da svi koji se ne sjećaju sarajevske olimpijade trebaju zamisliti državu od 22 miliona euforičnih ljudi kako bi dobili predstavu o tom događaju. Na kraju je presijecanjem vrpce, uz prisustvo svih govornika i organizatora na bini događaj završio.




Bjelašnica

Babin Do je dolina na planini Bjelašnici u općini Trnovo

Za potrebe zimskih olimpijskih igara 1984. godine u dolini je izgrađeno nekoliko objekata, kao i hotel Maršal.

Za vrijeme rata u BiH zapaljen je hotel kao i svi postojeći objekti. Poslije rata hotel Maršal je obnovljen, te je izgrađeno naselje apartmanskog tipa (Bjelašnica I faza i Bjelašnica II faza).

2024.



Za maskotu je izabran vuk Vučko, koji i danas živi kao simbol Olimpijade.

2005.



Općina Trnovo finansirala izgradnju šetnice Babin Do – Javorov Do




U mjesecu julu protekle godine potpisana je Ugovor o izvođenju radova na izgradnji pomenute šetnice sa izvođačima radova, u pitanju su kompanija IM SYSTEM d.o.o. iz Ilidže i Grakop d.o.o. iz Kiseljaka. Ukupna vrijednost radova koji su predmet ovog Ugovora iznosi 94.770,00 KM.

Nakon što je 2022. godine, uređen dio ove trase, te izrađen i postavljen novi drveni most, sa kamenim zidovima kao osloncima, u protekloj 2023. godini je nakon uklanjanja niskog rastinja pješačka staza proširena na dijelovima na kojima je to moguće do 2 m, zatim su prema predmjeru radova na određenim dijelovima ugrađene kamene ploče, postavljene ulazne kapije, kao i izgrađeni mini kameni platoi za postavljanje info tabli i panoa za floru i faunu, te ugrađene klupe uz stazu na pozicijama definisanim projektom. Za realizaciju ovog projekta, elementi koji su ugrađeni i postavljeni uglavnom su od kvalitetnih prirodnih materijala, hrastovog drveta i kamena.

Izletište Javorov do, koje zaista sada već predstavlja cijelovitu turističku destinaciju povezano je upravo ovom šetnicom sa Babinim Dolom, te je kako za vrijeme ljetne sezone tako i zimske dosta posjećena, veliki broj turista i domaćih posjetilaca koji dođu na Bjelašnicu odluči šetati kroz šumu do Javorovog dola. Podsjecamo ovom šetnicom se dolazi i do dobro poznate pećine Klokočevica.

Ugodna šetnica koja spaja Bjelašnicu i Javorov do idealna je za šetnju, vožnju biciklom i jogging. Nastavljamo projekte koje znače razvoj i rast turizma na području općine Trnovo, jer tako možemo očekivati nove investicije i zapošljavanje, istaknuo je u ovom povodu Općinski načelnik.



Infrastrukturni projekti Općine Trnovo

Sanacija i asfaltiranje lokalnih puteva

U okviru plana održavanja lokalnih puteva, Općina Trnovo je nakon potписанog Ugovora o izvođenju radova na sanaciji i asfaltiranju lokalnih puteva sa firmom Demus, realizovala projekte sanacije i asfaltiranja dva putna pravca.

Okončani su radovi na asfaltiranju dijela puta u obuhvatu Urbanističkog projekta Bjelašnica II, gdje je nakon rješavanja odvodnje, skidanja starog asfalta u toku postavljanje novog asfalta. Druga dionica na kojoj se izvode radovi je ona koja vodi do Javorovog dola, gdje je nakon okončanog asfaltiranja preostalo još postavljanje bankina i kanalica za odvodnju. Investitor radova je Općina Trnovo, a nadzor je firma Arting BH d.o.o iz Sarajeva.

Pomoćnik Općinskog načelnika službe za urbanizam, Osman Smječanin, obišao je radove na asfaltiranju dionice u sklopu UP Bjelašnica II faza, koja počinje od kružnog toka na Babinom dolu, te istakao kako se radi o saobraćajnici u punom profilu sa dvije saobraćajne trake i ivičnjacima, te istaknuo da je pored asfaltiranja, neophodno bilo rješavati i odvodnju oborinskih voda, koje u slučaju padavina izazivaju oštećenja, kako saobraćajnica, tako i okolnih objekata.



Rekonstrukcija saobraćajnice prema Bjelašnici

Tokom godine je nastavljena obnova regionalnog puta prema Bjelašnici, R442a Hadžići-Igman-Krupac. Radove finansira Direkcija za puteve Kantona Sarajevo prema planu i programu rekonstrukcije i rehabilitacije cesta za tekuću godinu zajedno sa Ministarstvom saobraćaja Kantona Sarajevo, dok je izvođač pomenutih radova kompanija Orman d.o.o.

Podsjećamo, i prethodnih godina su vršeni radovi na rekonstrukciji ovog puta, a 2021. godine je put prema Bjelašnici dobio i novi kružni tok u dužini od 300 metara.



Poslovno - sportski centar Trnovo

Izgradnja Poslovno-sportskog centra Trnovo je u toku. Smješten je na površini od 11,21 hektara, na nadmorskoj visini od oko 1300 m, u blizini Babinog dola, centra sportsko-rekreativne zone planine Bjelašnica. Ovaj urbanistički projekat sadrži izgradnju višenamjenskih objekata sa infrastrukturnim sadržajima. Višenamjenski objekti podjeljeni su na izgradnju objekata koje direktno finansira Općina Trnovo, te objekata koji su apartmanske namjene. Objekti u direktnom finansiranju Općine su dvorana, relax centar i administrativni objekat Općine Trnovo.



Procjenjena vrijednost projekta je 16,9 miliona KM.

Nukleus Poslovno-sportskog centra čini sportska dvorana, relaks centar i poslovni, odnosno administrativni centar. Sportska dvorana se nalazi u južnom dijelu, u kontaktnoj zoni s Babinim Dolom, uz poslovne objekte, namijenjena je za treninge i takmičenja u dvoranskim sportovima (fudbal, rukomet, košarka, odbojka i slično) kao i za razne druge prilike, koncerte, kongrese i slično. Dvorana će imati 500 mesta za gledaoce i prateće sadržaje. U dvorani je postavljen parket i prateća sportska oprema i rekviziti, te tribine. Napomenut ćemo da je u pitanju oprema proizvođača Elan. U decembru mjesecu protekle godine otvoren je hotel, koji je u sklopu Poslovno sportskog centra, a koji je povezan sa dvoranom.

Poslovni centar, koji u funkcionalnom smislu predstavlja zaseban objekt, ali je opet povezan sa ostatkom centra. Namjenjen je za smještaj administrativnih službi općine Trnovo. U ovom objektu je u završnoj fazi izgradnja planiranih kancelarija, sale za sastanke, šalter sala i pratećih prostorija.

Tokom proteklih 2023. godine okončani su radovi na asfaltiranju pristupnog puta do i oko sportske dvorane u Poslovnom sportskom centru, kao i asfaltiranje sportskih ploha gdje će samo asfaltiranje biti podloga za polaganje tartana. Radi se o univerzalnim sportskim plohamama za odbojku i košarku, te za rukomet i mali nogomet. Radove na asfaltiranju ispred sportske dvorane obišao je Općinski načelnik, koji je istakao još jednom važnost ovog projekta u smislu da na ovom području nema adekvatnog prostora za djecu i omladinu, niti prostora za kvalitetne sportske sadržaje što će projektom biti omogućeno.

Podsjećamo Općina Trnovo je 2019. godine pokrenula aktivnosti da se na ovom lokalitetu izgradi poslovno-sportski centar sa mnoštvom raznovrsnih sadržaja, na zemljištu u vlasništvu Općine.



Infrastrukturni projekti Općine Trnovo



Infrastrukturni projekti Općine Trnovo

Sanacija lokalnog puta u naselju Godinja

U Mjesnoj zajednici Trnovo, u naselju Godinja realizovan je Ugovor o sanaciji šteta od poplava, tačnije radi se o sanaciji lokalnog puta u ovom naselju. Vrijednost radova prema pomenutom Ugovoru iznosi 80.009,14 KM. Izvođač radova je firma Mevludin Commerc iz Sarajeva.

Ovaj dio naselja pogodjen je poplavama iz 2021. godine, te je sanacija lokalnog puta bila neophodna. Sredstva za realizaciju Ugovora o sanaciji osigurala je Vlada Kantona Sarajevo. Projekat obuhvata čišćenje trase puta, uklanjanje šiblja i rastinja iz cestovnog i zaštitnog pojasa, zasjecanje ivica postojećeg asfalta, mašinski iskop materijala postojeće kolovozne konstrukcije i pločnika debljine 6-12 cm, iskop postojećeg tamponskog i zemljanih materijala na kolovoznoj konstrukciji i pločniku, ugradnja betonskih ivičnjaka nasipanje i ravnanje trase puta, te asfaltiranje puta ukupne dužine oko 100 metara.



Vodovod Pandurica-Proskok

Započela je izgradnja vodovoda Pandurica - Proskok, na području mjesne zajednice Dejčići općine Trnovo. Radove finansira Ministarstvo komunalne privrede, infrastrukture, prostornog uređenja, građenja i zaštite okoliša, dok iste izvodi firma Hydra d.o.o. iz Sarajeva.

Prema projektu biće izgrađene tri kaptaže; Pandurica, Tijesni klanac i Bare, a zatim postavljeni cjevovodi od kaptažnog objekta do sabirne komore, te dio transportnog cjevovoda od sabirne komore prema rezervoaru Proskok.



Infrastrukturni projekti Općine Trnovo

Okončan je projekat regulacije korita rijeke Željeznice

Okončan je projekat regulacije korita rijeke Željeznice u naselju Godinja.

Riječ je o dionici korita koja kreće 900 metara nizvodno od mosta u ovom naselju. Radi se o oštećenom dijelu korita rijeke Željeznice, nastalih uslijed poplava iz 2021. godine, kada je slijeganje tla uzrokovalo pucanje potpornog zida i oštećenje saobraćajnice. Sanacijom je omogućena i zaštita stambenih objekta iznad uređenog korita.

Ukupna vrijednost svih izvedenih radova iznosi 449.980,26 KM. Finansijer radova je Agencija za vodno područje rijeke Save, a radove je izvela kompanija Mevludin Commerc d.o.o iz Sarajeva. Uređeno je korito sa desne i lijeve strane.



Poboljšanje vodosnabdijevanja

U naselju Godinja izgrađen je rezervoar kapaciteta 50 kubnih metara. U sklopu projekta u naselju Godinja izgrađen je vodozahvat na izvoru Bijeli potok, rasteretna komora, pomenuti rezervoar, te položen cjevovod u dužini od oko jednog kilometra, te su mještani naselja Godinja dobili pitku vodu.

Projektu dokumentaciju izradila je firma ES HYDROTECHNICS, izvođač radova je firma Bujice d.o.o. iz Konjica, dok je nadzor vršio Zavod za izgradnju Kantona Sarajevo. Ovim projektom poboljšan je sistem vodosnabdijevanja za naselje Godinja, a u narednom periodu planirano je da se kroz ovaj projekt obezbedi bolje vodosnabdijevanje još nekoliko naselja u mjesnoj zajednici Trnovo (Trebečaj, Brutusi, Gračanica, Pendićići i Trnovo) objasnili su ispred nadležne službe za urbanizam. Općinski načelnik prisustvovao je upriličenom svečanom puštanju u rad novog rezervoara za pitku vodu.

-Želim pohvaliti rad naše lokalne zajednice i rad Vodovoda (JKP Trnovo) jer su oni najzaslužniji za promjene na bolje kada je pitanje vodosnabdijevanje u našem naselju, rekao je jedan od stanovnika naselja Godinja.

Komunalno preduzeće Trnovo je radilo na dijelu cjevovoda koji ide od naselja Godinja prema drugim naseljima, dakle dio sekundarne mreže, a direktor ovog komunalnog preduzeća, Duran Bandić ovom prilikom najavio je nove projekte koji će građanima u općini Trnovo omogućiti još bolje uslove kada je u pitanju vodosnabdijevanje.



Infrastrukturni projekti Općine Trnovo

U završnoj fazi izgradnja centralnog vodovoda Trnovo

U završnoj fazi je projekat izgradnje centralnog vodovoda Trnovo. U tekućoj godini nastavljen je ovaj veliki projekat, koji će omogućiti kvalitetno snabdijevanje mjesne zajednice Trnovo. Izgrađen je vodozahvat na izvorištu Bijeli Potok, završena izgradnja rasteretne komore, izgrađen rezervoar Gračan Brdo te izgrađen rezervoar Pendićići. Radove finansira Ministarstvo komunalne privrede, infrastrukture, prostornog uređenja, građenja i zaštite okoliša, dok radove izvodi firma Bujice d.o.o. iz Konjica. Vrijednost radova je oko 650.000 KM.

Kada je u pitanju izgradnja cjevovoda prema pomenutom projektu izgradnje centralnog vodovoda Trnovo od izvođača saznajemo kako su radovi okončani. Položene su vodovodne cijevi od polietilena visoke gustoće koje vode iz vodozahvata do novog rezervoara Gračan brdo i dalje prema novom rezervoaru Pendićići. Iz rezervoara Pendićići voda se gravitaciono odvodi sa dva distributivna cjevovoda. Prvi cjevovod iz rezervoara Pendićići završava na spoju sa postojećim cjevovodom koji spaja Gračanicu i Pendićiće. Drugim cjevovodom voda se odvodi do spoja (šahta) na odvodnom cjevovodu za Općinu Trnovo, na lokaciji izlaza iz sela Pendićići.

Na trasi cjevovoda su izgrađena dva šahta, u pitanju je zatvarački i muljni šaht. Radove na postavljanju cjevovoda izvodi Javno komunalno preduzeće Trnovo, dok ih finansira Općina u

iznosu od oko 230.000 KM. Općina Trnovo, osim finansiranja, u projektu je također obezbijedila i sva potrebna odobrenja kako bi projekat nakon realizacije bio uveden u zvaničan sistem vodosnabdijevanja, kojim bi upravljalo JKP Trnovo, objasnio je direktor ovog komunalnog preduzeća.



- Završeni su radovi na polaganju novog cjevovoda koji će snabdijevati domaćinstva naselja Gračanica i Pendićići, kao i naseljeni dio prema zgradi Općine Trnovo, koji se do sada napajao vodom iz vodovodnog sistema opštine Trnovo (RS). Projektom izgradnje centralnog vodovoda Trnovo, zapravo ovom fazom postavljene su cijevi koje će omogućiti dodatno napajanje i naselja Trebečaj i Brutusi, kazali su iz komunalnog preduzeća Trnovo.

Izgrađena vodovodna distributivna mreža u Kijevskom naselju Batići

Tokom 2022. godine, a prema Sporazumu čiji su potpisnici Općina i Opština Trnovo, započeli su radovi na projektu vodosnabdijevanja naselja Batići, koje administrativno pripada Opštini Trnovo RS. Sporazumom koji je potписан krajem 2021. godine Općina Trnovo obezbjedila je sredstva u iznosu od 100.000,00 KM, dok se Opština Trnovo (RS) obavezala da pribavi projektnu dokumentaciju, sve potrebne saglasnosti i dozvole za izvođenje radova, rješila imovinsko-pravne odnose, te provela procedure i izvršila izbor najpovoljnijeg izvođača radova.

Ovim projektom u prvoj fazi izgrađeno je $1\ 200\text{ m}^3$ cjevovoda, te rezervoar za vodu od 30 m^3 . Ugovorna vrijednost radova na izgradnji cjevovoda i rezervoara je 84.825,00 KM. Radove izvodi grupa izvođača "Instel" d.o.o Bijeljina i "Rajak-Vob" Sokolac, a nadzor vrši agencija "Grading" Pale.

U sklopu izgradnje vodovoda za Batiće radnici JKP "Trnovo" FBiH, izvršili su radove na iskopu kanala u dužini od 450 metara u koji je u prvih 100 metara od pumpne stанице položena cijev DN63 PN16, a ostalih 350 metara DN63 PN10, za potrebe potisnog cjevovoda koji će spajati pumpnu stanicu i rezervoar. Jednim dijelom kanala u dužini od 200 metara položena je i odvodna cijev iz rezervoara.

Po okončanju radova na rezervoaru i cjevovodu uslijedila je naredna faza radova na projektu vodosnabdijevanja Batića, a to je izgradnja pumpnih stanica koje su bile neophodne kako bi se voda transportovala od izvora do rezervoara, a potom od rezervoara do naselja. Izvršeno je i testno puštanje vode, a nakon priključenja na električnu energiju, sistem vodosnabdijevanja naselja Batići je riješen.

- Godinama čekamo na gradnju vodovodne mreže, stanovnici našeg naselja snalažili su se na razne načine, a mnogi od njih su morali napustiti svoja domaćinstva zbog ovog problema, kazala je jedna stanovnica ovog naselja i istakla kako je zahvalna objema Općinama na realizaciji ovog projekta.



Završena obnova Kuće spasa na Bjelašnici

Završena je obnova Kuće spasa na Bjelašnici. U proljeće je planirano da se završi unutrašnje opremanje kuće, te vanjsko-hortikultурno uređenje oko samog objekta. Bit će ovo prostor za planinare, turiste, gorsku službu spašavanja, putnike namjernike, ali će zadržati djelimično i prvu namjenu a to je mjesto za spas od hladnoće i oluja.

Na putu prema Lukomiru i vrhu Bjelašnice, na Štinom dolu nalazi se Kuća spasa. Sam naziv govori o tome kako je zaista bila spas za mnoge prolaznike i planinare u vrijeme mečava i jakih udara vjetra, a najviše je koristila mještanima koji su se tu sklanjali od nevremena na putovanju do svojih sela, kao i čobanima koji su čuvali stada na tim područjima.

Kuća spasa u agresiji na Bosnu i Hercegovinu bila je skoro upotpunosti uništena. Općina Trnovo 2020. godine počela je sa rekonstrukcijom kuće koja je završena, a to će doprinijeti podizanju kvaliteta u turističkoj ponudi.

Kako smo već naprijed naveli objekat će zadržati svoju prvu namjenu, a planirani su i dodatni sadržaji. Ukupna površina kuće je oko 600 kvadratnih metara, a objekat se sastoji od podruma, prizemlja i dva potkrovila. Između ostalog objekat će imati sobu spasa, recepciju i suvenirnicu, salu za sastanke i terasu, te prateće sadržaje kupatila, sobe za spavanje, kuhinju, dnevni boravak.

Vrijednost ugovora bila je 638.745 maraka, a investitor radova je Općina Trnovo, uz materijalnu podršku Vlade Federacije BiH i Turističke zajednice Kantona Sarajevo.



Postavljen 3D svjetleći dekorativni element

U maju mjesecu protekle godine na Babinom dolu postavljen je 3D simbol Olimpijskih krugova, u dimenzijama 500x300x30 cm sa pripadajućim postoljem visine 30-40 cm. Ovaj 3D svjetleći dekorativni element koji svojim oblikom asocira na simbol Olimpijskih krugova, izrađen je od inox konstrukcije sa ugrađenim rasvjetnim tijelima premium proizvođača svjetlosne opreme. Projekat dekorativnih olimpijskih krugova iznosi 20.513,00 KM, dok ukupna vrijednost ugovorenih radova iznosi 49.999,95 KM. Izvođač radova je SES d.o.o. iz Sarajeva.

Podsjetit ćemo pet krugova – (plavi, crni, crveni, žuti i zeleni) međusobno isprepletenih predstavlja 5 kontinenata i simbolizuju univerzalnost olimpizma i susret sportista iz čitavog sveta tokom Olimpijskih igara. Kombinovane na ovaj način, šest boja zastave (bijela, plava, crna, crvena, žuta i zelena) predstavljaju sve nacije svijeta. Olimpijski krugovi kao simbol odaju već svima poznat identitet Olimpijske Bjelašnice, nakon što su Zimske olimpijske igre 1984. godine održane u Sarajevu.



Infrastrukturni projekti Općine Trnovo


Park na Babinom dolu dobio javnu rasvjetu

Na Babinom dolu je tokom 2022. godine izgrađen novi park. U protekloj 2023. godini park je dobio i rasvjetu. Postavljanjem javne rasvjete u području novoizgrađenog dječijeg parka na Babinom dolu otvara se mogućnost korištenja i u večernjim satima, naročito u predstojećoj ljetnoj sezoni.

U parku na Babinom dolu, koji se nalazi ispod glavne šetnice, postavljeno je 8 stubova za javnu rasvjetu. U pitanju su LED rasvjetna tijela. Ukupna vrijednost radova koji su potrajali oko mjesec dana iznosi 19.164,60 KM, a izvođač radova je firma SES d.o.o. Sarajevo.

Na području Babinog dola u protekle dvije godine izgrađena je šetnica, posađeno više desetina sadnica visokog rastinja te je zasađena trava, u narednom periodu i dalje slijedi uređenje ovog prostora, a rasvjetni stubovi koji su sada postavljeni će ovo područje učiniti ugodnijim i sigurnijim.

Projekat je finansirala Turistička zajednica Kantona Sarajevo putem javnog poziva, kao projekat koji doprinosi obogaćivanju turističke ponude.



Uređene zelene površine

Tokom ljetne sezone preduzeće Park je provelo akciju ukrašavanja zelenih površina u Kantonu Sarajevo novim sezonskim cvijećem. Kada je u pitanju Općina Trnovo ovom akcijom zahvaćene su zelene površine oko spomen obilježja i hair-česmi u sve četiri mjesne zajednice. Zasađeno cvijeće je nastalo u Parkovom vrtnom centru Flora, koji se nalazi uz rasadnik u Nedžarićima u kojem preduzeće Park priprema, proizvodi i uzgaja sezonski dekor.

Uz redovno održavanje zelenih površina oko zgrade Općine od strane preduzeća Park, zasađeno je i sezonsko cvijeće, sadnja grmlja i ruža te sadnja stabala.

Naime, Općina je sa Kantonalnim javnim preduzećem „Park“, još u oktobru mjesecu potpisala Sporazum o prenosu grant sredstava KJKP „PARK“ d.o.o. Sarajevo za hortikultурno uređenje spomen obilježja i kružnih tokova na području općine Trnovo, te je iz Budžeta Općine Trnovo izdvojeno 30.000,00 KM za ovu namjenu.



Infrastrukturni projekti Općine Trnovo

Okončan je projekat sanacije abdestthane i gasulhane u naselju Trebečaj

Jedan od prijedloga koji su građani mjesne zajednice Trnovo, iz naselja Trebečaj iznijeli na javnim raspravama na nacrt Budžeta za 2023. godinu bio je projekat sanacije abdestahane i gasulhane. Javno komunalno preduzeće Trnovo okončalo je radove prema Ugovoru o sanaciji abdestthane i gasulhane u naselju Trebečaj. Radi se o participativnom budžetiranju, Općine i građana naselja Trbečaj, gdje je na 1 KM građana Općina izdvojila 3 KM.

Ukupna vrijednost radova iznosi 23.984,18 KM, a rok za izvođenje radova iznosio je 30 dana od dana potpisivanja ugovora.

- Postojeći objekat koji se sastojao iz prostorije za gasulhanu i ostave, proširen je na još dvije prostorije, abdesthanu i toalet, te je cijeli objekat pokriven jednim četverovodnim krovom. Na objektu je zamijenjena postojeća stolarija, te ugrađena nova PVC stolarija, kao i elektro i hidro instalacije koje su u cijelosti urađene nove. Postavljena je termofasada, tako da je objekat gasulhane i abdesthane objedinjen u jednu cjelinu. Također u sklopu objekta postavljena je vanjska česma sa betonskim koritom, kazali su nam iz JKP „Trnovo“.

- Svi građani su bili u prilici da glasaju i da kažu šta je to što je potrebno uraditi u našem naselju. Ovo je naša zajednička želja već neko vrijeme i hvala Bogu uspjeli smo je realizovati uz pomoć Općine i njenog načelnika. Meni je drago da postoje ovakvi projekti, gdje smo mi kao građani uključeni, istakao je jedan od građana ove mjesne zajednice.



Postavljena ekološka solarna javna rasvjeta

Poznato je kako se na području energetike naglasak stavlja na korištenje obnovljivih izvora energije, sunca, vjetra, morskih struja, kao i na povećanje energetske učinkovitosti. Općina Trnovo još prije nekoliko godina pokrenula je svoje preduzeće kako bi realizovala određene projekte vezane za obnovljive izvore energije, a sada postavljanjem solarne javne rasvjete nastoji još jedanput staviti naglasak na korištenje obnovljivih izvora energije.

Riječ je o projektu modernizacije sistema javne rasvjete korištenjem obnovljivih izvora energije, koji je sufinansirao Fond za zaštitu okoliša u iznosu od 50.000,00 KM, a ukupna vrijednost projekta iznosila je 83.332,31 KM. Izvođač radova je kompanija Teslaluks d.o.o. iz Sarajeva.

Novi elementi solarne javne rasvjete postavljeni su na Babinom Dolu na Bjelašnici uz glavnu saobraćajnicu. Postavljeno je ukupno 36 svjetiljki.




Aktivnosti JKP "TRNOVO" u 2023.godini

Javno Komunalno Preduzeće "Trnovo" d.o.o. Trnove je i u 2023. godini nastavilo sa aktivnostima na izgradnji, rekonstrukciji i održavanju infrastrukture na području općine Trnovo.

Pored redovnog održavanja postojeće vodovodne mreže u 2023. godini izvođeni su radovi na više projekata na području cijele općine, kako na izgradnji i rekonstrukciji vodovodne infrastrukture tako i na izgradnji i održavanju drugih objekata i društvene imovine na području cijele općine. Posebno treba istaknuti radove na sljedećim projektima:

- Nastavak izgradnje cjevovoda na centralnom vodovodnom sistemu za MZ Trnovo,
- Izgradnja dijela cjevovoda na projektu Pandurica–Proskok,
- Rekonstrukcija sekundarne mreže u naselju Godinja i puštanje u funkciju vodozahvata Bijeli potok
- Izgradnja glavnog šahta u Rakitnici i izgradnja cjevovoda za naselje Zarije
- Nastavak izgradnje cjevovoda u Krsmanićima,
- Izgradnja i puštanje u funkciju hidranata u svim Mjesnim zajednicama.



Izgradnja cjevovoda na centralnom vodovodnom sistemu Trnovo

Završeni su radovi na spajanju cjevovoda od lokaliteta Razin Gaj do novoizgrađenog rezervoara Pendićići, ukupne dužine 4500m. Izgrađen je cjevovod u dužini od 3600 m profila DN 110 PN 16 do rasteretne komore u naselju Brutusi, a zatim je izvršeno spajanje rasteretne komore i rezervoara Pendićići sa PEHD cijevi DN 90 PN 10 u dužini od 900 m. Prije početka radova na pomenutoj dionici, od strane uposlenika BH Telekoma urađeno je lociranje glavnog optičkog kabla, kako ne bi došlo do oštećenja istog prilikom izvođenja radova. Izvođenje radova teklo je prema utvrđenoj dinamici i planu rada, bez većih problema.

U narednoj fazi predviđena je izgradnja cjevovoda od rezervoara Pendićići do glavnog šahta u naselju Pendićići, čime bi se stekli uslovi za puštanje u funkciju novoizgrađenog centralnog sistema vodosnabdijevanja MZ Trnovo sa vodozahvata Bijeli potok. Stavljanjem u funkciju ovog novoizgrađenog sistema isključili bi vodozahvata Krsinja.



Izgradnja cjevovoda Pandurica - Proskok

U 2023. godini započeta je izgradnja cjevovoda Pandurica-Proskok, Predviđeno je da se radovi realizuju u fazama. JKP „Trnovo“ d.o.o. Trnovo u prvoj fazi je izgradilo cjevovod u dužini od 1800 m, na lokalitetu od mosta na rijeci Bijela, uzvodno pored planinarskog doma BH Lutrije prema vodozahvatu. Izmjenom projektne dokumentacije predviđena je ugradnja DUKTIL cijev DN 100, DUKTIL cijev DN 150 i PEHD cijev DN 63 PN 16. Pomenute cijevi su položene u isti rov širine 80 cm prosječne dubine 120 cm.

Rekonstrukcija sekundarne mreže u naselju Godinja

Završeni su radovi na rekonstrukciji sekundarne mreže u naselju Godinja. Rekonstrukcija sekundarne mreže u naselju Godinja podrazumijevala je polaganje vodovodnih cijevi DN 75 PN 10 od novoizgrađenog rezervoara do glavnog postojećeg šahta, zatim izgradnju vodovodne mreže do objekata koji do sada nisu imali vodosnabdijevanje, kao i izgradnju cjevovoda koji spaja muljni isput iz rezervoara sa koritom rijeke Željeznice. Po završetku ovih radova stekli su se uslovi za pustanje u funkciju novoizgrađenog vodnog sistema sa vodozahvata Bijeli potok.



Izgradnja glavnog šahta u naselju Rakitnica i cjevovoda za naselje Zarije

Izgrađen je glavni šaht za naselje Rakitnica u sklopu izgradnje vodovoda za naselje Zarije. Glavni šaht je izgrađen na glavnoj cijevi koja vodi za naselje Rakitnica, dimenzija 200x200 cm, koji ima funkciju zatvaračkog šahta. Iz šahta je izvršeno razdvajanje cjevovoda za naselje Zarije u dužini od 950 m sa profilm PEHD cijevi DN 50 PN 10. Izgradnjom i puštanjem u funkciju ovog cjevovoda naselje Zarije je dobilo uredno i kvalitetno vodosnabdijevanje, što do sada nije imalo. Lokalni cjevovod koji je služio za vodosnabdijevanje pomenutog naselja, a koji je bio nedovoljan u ljetnom periodu, smo jednim dijelom rekonstruisali i doveli do centra sela gdje stanovnici ovog naselja u budućnosti imaju mogućnost izgraditi javnu česmu.

Nastavak izgradnje cjevovoda za naselje Krsmanići

Nastavak izgradnje cjevovoda za naselje Krsmanići podrazumijeva je izgradnju cjevovoda u dužini od 980m sa profilom cijevi PEHD DN 50 PN 10 od rezervoara do glavnog šahta na ulazu u naselje.

Izgradnja hidranata u svim mjesnim zajednicama

Uposlenici JKP „Trnovo“ d.o.o. Trnovo su u 2023. godini instalirali hidrante u mjesnim zajednicama: Dejčići, Trnovo, Delijaš i Šabići. Lokacije hidranata su definisane na zajedničkom sastanku predstavnika Službe za urbanizam Općine Trnovo, Dobrovoljnog vatrogasnog društva Trnovo i JKP Trnovo. Dogovoren je da se hidranti instaliraju na lokalitetima:

- MZ Dejčići (lokalitet naselja Bare)
- MZ Trnovo (kod autobuske stanice Trebečaj)
- MZ Delijaš (kod Doma kulture).
- MZ Šabići (kod pumpne stanice Šabići, preko puta šumarske kuće).

Pored naprijed opisanih projektnih aktivnosti JKP „Trnovo“ d.o.o. Trnovo je u protekloj 2023. godini izvodilo radove na redovnim aktivnostima kao što su ljetno održavanje lokalnih puteva, uređenje zelenih i sportsko-rekreativnih površina, održavanje kanalizacionih sistema koji nisu preuzeti na upravljanje, održavanje objekata u vlasništvu Općine Trnovo i drugih zadatka po nalogu Službe za urbanizam, građenje, komunalne poslove i zaštitu čovjekove okoline Općine Trnovo.



Naša djeca - naša budućnost

Dan Općine obilježen sa našim najmlađim stanovnicima

Dan Općine obilježen je nizom događaja. Učenici Osnovne škole "Zaim Kolar" Dejčići su prigodnim literarnim radovima čestitali rođendan našoj Općini, te su vrijedni i kreativni učenici izradili radove na temu "Dan moje Općine". Njihovi radovi su ovom prilikom izloženi u holu škole u sklopu istoimene izložbe. Uz plesnu zabavu, maskote i balone u bojama naše Općine, načelnik je svim učenicima čestitao Dan Općine i uz čestitku svim učenicima naše osnovne škole poklonio novčanu nagradu u iznosu od 100 KM.

-Ponosni smo što se početak obilježavanja Dana Općine obilježio u krugu naše škole, uz prisustvo delegacije općine Trnovo na čelu sa načelnikom i predsjedavajućom. Hvala u ime učenika i roditelja na ovom finom gestu i nagradi, istakao je direktor škole, gospodin Adis Hodžić ovom prilikom.



Općinski načelnik u posjeti osnovnoj školi prvog dana nastave

Dok se ljetno bliži kraju, djeca i njihovi roditelji pripremaju se za novu školsku godinu. Bilo da se radi o đacima prvaca ili učenicima viših razreda početak nove školske godine nosi svaki put nove radosti. Roditeljima učenika nerijetko i briga jer znaju da s njom dolaze i pitanja o strahovima i pripremama za predstojeće izazove. Općina Trnovo nastoji da svake godine uljepša, olakša i finansijski pomogne novi početak. Općinski načelnik je ove godine u povodu početka nastave svim učenicima osnovne škole koja djeluje na području Općine prvog dana škole podijelio kupone za kupovinu školskog pribora u iznosu od 100 KM.

Općina Trnovo svake godine iz Budžeta izdvaja značajna sredstva za unapređenje odgojno-obrazovnog procesa i poboljšanje uvjeta školovanja, zatim za stipendiranje učenika i studenata, organizaciju školskih takmičenja u znanju, kulturnim i sportskim aktivnostima.

- Obzirom da sam radio kao nastavnik dugi niz godina, u svojoj mladosti, znam da bez obzira na to kreće li dijete u školu prvi put ili se vraća u novi razred, svaki početak nove školske godine je ponovna radost. Za roditelje nerijetko, naročito posljednjih godina početak školske godine predstavlja stres, jer je teško obezbijediti sve što je potrebno. Mi smo, kao Općina, obzirom da je ove godine Kanton obezbijedio besplatne udžbenike za sve odlučili obilježiti početak školske godine kupovinom školskog pribora. Učenicima smo uručili vaučere za kupovinu školskog pribora u jednoj knjižari u iznosu od 100 KM. Siguran sam da će izabrati nešto što im je potrebno i što se njima sviđa, te ih na ovaj način motivisati za učenje, a roditeljima finansijski barem malo olakšati, istakao je Općinski načelnik u ovom povodu.

Na kratkom prijemu i priredbi koju su pripremili učenici u holu škole, nakon izvođenja recitacija, Općinski načelnik se obratio učenicima pozdravio prisutne roditelje, nastavnike i direktora škole, te uputio čestitku i poželio sretnu i uspješnu školsku godinu.



Naša djeca - naša budućnost

Dan naše škole

Povodom Dana škole, 24.04.2023. godine u sali Osnovne škole "Zaim Kolar" Dejčići održana je priredba. Učenici od prvog do devetog razreda pjevali su, plesali, glumili i svirali.

Na samom početku svim prisutnim obratio se direktor škole sa nekoliko riječi o prošlosti ove škole i važnosti obilježavanja Dana škole, te postignutim rezultatima škole i njenih učenika na takmičenjima. Ovom prilikom zahvalio se Općini i



Općinskom načelniku na nesobičnoj podršci školi, te istakao projekte koje je kao direktor uspješno realizovao za vrijeme svojih mandata poput obnove biblioteke, projekta izgradnje lifta i projekat škole u prirodi.

– Koristim priliku da vam se posljednji put obratim kao direktor Osnovne škole "Zaim Kolar". Prije svega, čast mi je bila što sam imao priliku obnašati ovako jednu odgovornu dužnost u školi u kojoj sam i započeo svoj pedagoški rad prije 24 godine.

Kao direktor škole radio sam maksimalno s ciljem da stvorimo što bolje uslove za kvalitetniji i efikasniji odgojno-obrazovni proces. Cijenim da smo u proteklom periodu timskim radom, zajedno sa Općinom Trnovo napravili određene pomake. Srdačno vas pozdravljam i želim vam svako dobro, završio je direktor, Adis Hodžić.

Nakon obraćanja direktora uslijedila je priredba koju su koordinirale učiteljice i nastavnice, a učenici i učenice ove škole su pokazali svoje raznovrsne talente.

Program bogat sadržajima, pun pjesme, recitacija, igrokaza, veselih boja oduševio je goste, a završio je izvođenjem folklorne sekcije i veliki pljesak publike.



Naša djeca - naša budućnost

Realizovan projekat planinarenja

U organizaciji Ministarstva za odgoj i obrazovanje Kantona Sarajevo, a uz koordinaciju JU "Instituta za razvoj preduniverzitetskog obrazovanja Kantona Sarajevo" dana, 22.5.2023. godine, okončana je realizacija značajnog i korisnog projekta planinarenja. Cilj je osigurati interesovanje i zadovoljstvo



planinarenja kod učenika naročito sa ovih područja kojima je planina u neposrednoj blizini.

Školu planinarstva su pohađali učenici VII razreda, koji su nakon teoretske edukacije u školama u organizovanim izletima izvršili obilazak tri planine: Igman (22.03.2023.), Trebević (27.04.2023.) i Bjelašnica (22.05.2023.). Ovim aktivnostima, kroz pomenuta tri pohoda učenici su prošli malu školu planinarstva i imali priliku da nauče osnovne planinarske korake i steknu znanja vezana za boravak u prirodi i planinama. Realizacija praktičnog dijela izleta povjerena je Planinarskim vodičima i Učiteljima planinarstva PS FBiH na uređenim planinarskim stazama.

Vremenski uslovi na terenu bili su povoljni uz djelimično otežavajuće okolnosti kretanja što je inače sastavni dio planinarenja. Značajnu i direktnu podršku vođenja i dodatne edukacije na terenu imao je nastavnik sporta, tjelesnog odgoja Leka Zejnija koji je prethodno dao osnove učenicima o planinarenju uopšte. Učenici su imali priliku da se upoznaju sa osnovnim informacijama o planinarstvu: pojam i značaj planina, oprema za planinarenje, planinarske markacije, ishrana planinara i još niz zanimljivih tema. Imali su priliku da steknu znanja o Igmanu, prašumi Ravna vala i još nekim specifičnostima. Pored vodiča na stazi su bile informativane table sa informacijama o prašumi, životinjskom i biljnom svijetu. Sa njima su pored nastavnika bili licencirani vodiči planinarskog saveza FBiH.

-Imali smo priliku da upoznamo istaknute planinare: predsjednika planinarskog saveza gosp. Rasima Radonju, Redžepa Grabusa (doajena BH planinarstva), vodiča Rizu Mazalovića, Emina Gibovića (člana GSS koji nam je prenio iskustva o spašavanju žrtava potresa u Turskoj), Muniba Mehanića (predsjednika EPD Treskavička jezera) i ostale vodiče koji su doprinjeli da škola planinarstva na Igmanu bude uspješno realizovana, istakao je u ovom povodu nastavnik sporta i tjelesnog odgoja.



Igman 22.03.2023.g.

Izvedena simulaciono pokazna vježba septembar 2023.godine

U organizaciji Službe traženja Društva Crvenog krsta/križa BiH izvedena je simulaciono-pokazna vježbu naziva "Odgovor na zemljotres 2023". Cilj vježbe bio je provjeriti spremnost, efikasnost i koordinaciju u odgovoru na posljedice koje je uzrokovao zemljotres sa akcentom na poslove Službe traženja i obnavljanja porodičnih veza. Za potrebe vježbe angažovani su timovi za obnavljanje porodičnih veza, timovi prve pomoći i psihosocijalne podrške, logistički timovi, timovi za prihvat stanovništva, tim za radio vezu, kao i volonteri iz struktura Crveni križ Federacije Bosne i Hercegovine - Red Cross of FBiH Crveni krst Republike Srpske Crveni krst / križ Brčko distrikta BiH, uz podršku ICRC Bosnia and Herzegovina – MKCK BiH. Među prisutnim gostima bio je i kratko se obratio Namik Hodžić, rukovodilac Službe zaštite i spašavanja Crvenog križa Federacije BiH, koji je timove proglašio spremnim za vježbu. On se osvrnuo na napredak koje su organizacije u strukturi Crvenog križa Federacije BiH postigle u ovoj oblasti kroz učešće u različitim međunarodnim vježbama, zadatke koje Crveni križ obavlja u sistemu zaštite i spašavanja, kao i do sad postignutu opremljenost kantonalnih timova i višenamjenskih terenskih ekipa i jedinica. Domaćin vježbe bio je Crveni križ općine Trnovo, te je u ovom povodu predsjednik Crvenog križa naše općine, Amer Hromo iskazao zahvalnost organizatoru i posebno se želio zahvaliti ekipama Općine Trnovo koje su pored timova Crvenog križa učestvovale u simulacijskoj vježbi. „Sretan sam da je vježba prošla u najboljem redu, da su svi timovi bili na nivou zadatka, da su se organizatori odlučili za područje naše općine. Posebno se želim zahvaliti timovima i članovima Civilne zaštite općine Trnovo, Gorske službe spašavanja Trnovo, Vatrogasnoj jedinici kao i policijskoj stanici Trnovo. Tokom izvođenja vježbe, svi timovi Službe zaštite i spašavanja Crvenog križa i partneri pokazali su zavidnu spremnost i visok nivo saradnje“, zaključio je.



Akcije dobrovoljnog darivanja krvi

U organizaciji Crvenog križa Općine Trnovo, realizovano je nekoliko akcija dobrovoljnog darivanja krvi pod nazivom „Daruj krv-spasi život“. Darivatelji krvi su većinom članovi Crvenog križa. Predsjednik Crvenog križa općine Trnovo Amer Hromo, ovim povodom izjavio je:

-Želim se iskreno zahvaliti svima koji su sudjelovali u ovim plemenitim akcijama, naročito onima koji su krv darovali po prvi put. Posebno izražavam zahvalnost osoblju Zavoda za transfuzijsku medicinu Federacije BiH na njihovoj susretljivosti i suradnji, te ohrabriranje pojedinaca da doniraju krv, kako bi krv bila dostupna za sve kojima je potrebna, istakao je. Nadalje, ističu iz Crvenog križa da će ovakve i slične humanitarne aktivnosti ostati važan dio njihovog rada i u budućnosti. Dobrovoljno darivanje krvi ima iznimnu važnost jer je to čin solidarnosti prema zajednici i osobama koje ovise o krvnim pripravcima. Svaka kap darovane krvi može spasiti život, a ovakve akcije imaju ključnu ulogu u očuvanju zaliha krvi i pružanju podrške zdravstvenim ustanovama.



Društvena odgovornost

Laboratorija u Domu zdravlja Trnovo ponovo počela sa radom

Na 21. redovnoj sjednici Općinskog vijeća Trnovo usvojen je Zaključak koji se odnosi na rad laboratorije u Domu zdravlja Trnovo, te je isti proslijeđen na postupanje Ministarstvu zdravstva Kantona Sarajevo i JU Domovi zdravlja Kantona Sarajevo uz obrazloženje da laboratorija u OJ DZ Trnovo ne radi od marta 2017. godine. Mjesec dana kasnije, laboratorijska dijagnostika omogućena je u Domu zdravlja Trnovo. Građanima je ponovno omogućeno da osnovne nalaze krvi mogu napraviti u svojoj ambulanti, što mnogo znači obzirom na specifičnost i udaljenost njenih građana od Doma zdravlja Ilijadža, gdje su ranije morali otići kada im ljekar porodične medicine da uputu za analizu krvi.

Napomenuti ćemo da je laboratorija otvorena i dostupna građanima u Trnovu svakog petka. Iako je u pitanju jedan dan sedmično ovim će dodatno biti poboljšan kvalitet zdravstvenih usluga građanima.

– Sretan sam da laboratorijska služba Doma zdravlja Trnovo ponovo radi, iako imam iz svog naselja oko 15-ak minuta vožnje do same ambulante, opet mi je puno lakše i pristupčnije nego da je to dobrih 40-ak minuta, kada sam nalaze morala raditi na Ilijadži. Nažalost, hronični sam bolesnik pa često radim laboratorijske pretrage, nadam se da će se ova praksa zadržati trajno, kazala nam je jedna pacijentica koju smo zatekli u čekaonici.



Prehrambeno-higijenski paketi za pripadnike boračke populacije



Direkcija za robne rezerve Kantona Sarajevo obezbijedila je Ministarstvu za boračka pitanja Kantona Sarajevo 2.000 prehrambeno-higijenskih paketa za podjelu boračkim kategorijama, od čega je pedeset njih raspoređeno na boračka udruženja Općine Trnovo.

Tim povodom predstavnica Udruženja Organizacije porodica šehida i poginulih boraca Općine Trnovo, Sifa Dreca zahvalila se resornom ministru u Kantonu Sarajevo, gospodinu Omeru Osmanović na inicijativi i naravno Direkciji za robne rezerve Kantona Sarajevo na obezbijeđenju paketa, te predsjednici Porodica šehida i poginulih boraca Kantona Sarajevo, gospodi Bahri Kituši istaknuvši kako na ovakovom vremenu zaista svaki

vid pomoći pripadnicima boračke populacije znači.

-Žao mi je i u nezavidnoj smo poziciji zbog činjenice da je za konkretno Udruženje koje ja vodim, za moje članstvo-porodice šehida raspoređeno samo deset ovakvih paketa, ali nadam se ako Bog da slijedeće godine da će ih biti više, jer je ovo projekat koji se realizuje već treću godinu za redom, završava predsjednica Udruženja.

Na Bjelašnici 14.-ti po redu Rehabilitacioni kamp „Bjelašnica 2023“

U julu mjesecu održan je rehabilitacioni kamp na olimpijskoj planini Bjelašnici. Preko 200 mališana, njihovih roditelja i braće i sestara sa područja cijele Federacije Bosne i Hercegovine, koji su izborili svoju bitku i pobijedili rak borave na Bjelašnici. Podrška mališanima oboljelim od raka je ključna tokom intenzivnog liječenja, ali je neophodna i nakon njega. Nakon liječenja poseban akcenat stavljamo na važnost rehabilitacije i njenog značaja za djecu oboljelu od raka. Kao i svake godine posebno smo ponosni na volontere kampa iz naše grupe MladiCe – mladi koji su u djetinjstvu izlječeni od raka. Oni kroz svoj volonterski angažman sa djecom dodatno motivišu djecu i roditelje da je konačna pobjeda nad rakom moguća, istakli su iz Udruženja „Srce za djecu“.

Citav program je besplatan, uključujući smještaj, hranu, aktivnosti i medicinsku skrb. Rehabilitacioni kamp se finansira donacijama, grantovima i aktivnostima Udruženja. Općina Trnovo je ove godine donirala simboličan iznos od 2000 KM, te je sam kamp posjetio Općinski načelnik.



Potpisani ugovori sa stipendistima

Nakon objavljene rang liste po javnom konkursu za stipendiranje učenika i studenata u školskoj/akademskoj 2022/2023. godini, u sali Općine upriličeno je svečano zaključivanje ugovora između Općine Trnovo i njenih stipendista.

Općinski načelnik pozdravio je prisutne studente, učenike i njihove roditelje te uputio motivirajuće poruke koje njima itekako mnogo znače. Također, prisutni stipendisti su, međusobno se upoznavajući u ugodnoj atmosferi koja je vladala, razmjenjivali mišljenja i ideje.

- Svake godine svečanost potpisivanja ugovora sa stipendistima zaista je posebna jer vidim da ste tu ponovo i ove godine i znam da ste još jednu školsku ili akademsku godinu koja je iza vas uspješno savladali, jer kako je poznato stipendiju obnovac ne može ostvariti, te je na samom početku uputio čestitke svima.

- Vidim i dosta novih lica, na moje zadovoljstvo iz godine u godinu broj učenika i studenata u općini Trnovo se povećava. Mladi i obrazovani ljudi su stubovi naše budućnosti, naše lokalne zajednice i domovine Bosne i Hercegovine i biti podrška na putu sticanja znanja velika je čast, rekao je Općinski načelnik, Ibro Berilo.

Potpisivanjem ugovora, stipendisti su ostvarili pravo na primanje stipendije u mjesecnom iznosu od 80,00 KM za učenike srednjih škola, dok za studente društvenih smjerova stipendija iznosi 100,00 KM, a za studente tehničkih i prirodnih fakulteta 120,00 KM za školsku/akademsku 2022/2023. godinu.

Stipendije za proteklu školsku godinu ostvarilo je 63 učenika srednje škole i 33 studenata.

"Iznimno mi je drago da sam već drugu godinu zaredom stipendista Općine i nadam se da će zahvaljujući svom radu i rezultatima biti ovdje i slijedeće godine. Stipendija mi mnogo znači, svakako kao finansijska pomoć pri školovanju ali i kao satisfakcija za dalji bolji rad i zalaganje, rekla je jedna od stipendistica Općine Trnovo.



Isplaćeni novčani poticaji iz oblasti poljoprivrede


Po osnovu javnog poziva za model podsticanja proizvodnji za biljnu proizvodnju i javnog poziv za model podsticanja proizvodnji za animalnu proizvodnju, objavljenih krajem oktobra mjeseca, zaprimljena su 132 zahtjeva, te je nakon utvrđivanja ispunjenosti općih i posebnih uslova, Komisija izašla na teren i zapisnički konstatovala činjenično stanje. Komisija je sačinila Izvještaj i dostavila prijedlog Odluke o ostvarenju prava na novčani podsticaj za kandidate Općinskom načelniku. Direktne novčane podsticaje za animalnu proizvodnju ostvarilo je:

- Farma ovaca- 45 proizvođača;
- Farma tovnih pilića – 5 proizvođača;
- Farma goveda – 47 proizvođača;
- Pčelarstvo – 26 proizvođača;

Direktni novčani podsticaji za biljnu proizvodnju:

- Povrće – 27 proizvođača;
- Jednokratne pomoći – 8 proizvođača

Služba za privredu i finansije Općine Trnovo u decembru mjesecu protekle godine izvršila je isplatu podsticajnih sredstava za 2023. godinu.



Na trnovskim pašnjacima pasu francuske krave

Istražujući više o ovoj pojavi, zatekli smo jednog od vlasnika stada ovih krava, koji nam je kazao kako se radi o mesnoj pasmini Limuzin. Ova pasmina nastala u istoimenim pokrajinama zapadne Francuske (Limousin i Marche), u prilično kišovitom području s oštrom klimom i na siromašnom zemljištu. Kao rezultat njihove okoline, limuzin je razvijena u pasminu neobične čvrstoće, zdravlja i prilagodljivosti.

Veoma značajna osobina ove rase je mogućnost da proizvodi velike količine kvalitetnog mesa bez obzira na starost grla. Visoki omjeri mesa, niske proporcije masnoće i koštane mase dovode do izuzetnih prinosa mesa. Limuzinska rasa se posebno ističe visokim randmanom klanja, od 65 do 70%, i po tome čini sam vrh kod tovnih goveda.

Zanimljiva priča trnovskog poljoprivrednika iz naselja Godinja

Na svom imanju, zajedno sa svojom suprugom i porodicom uzgaja, kako kaže, sve što može, bavi se poljoprivredom i stočarstvom, a nešto šta mu je privuklo zanimanje trenutno je upravo uzgoj krava ove pasmine, te planira formirati stado. Pored primarnog svog posla, ovo je posao u kojem zaista uživa, osim što od svog rada može i veoma lijepo da zaradi. Uživa u predivnom okruženju prirode, zelenila i proplanaka i to i na više nego čistom vazduhu, na kome može samo da se pozavidi, a da ne pričamo o izbjegnutom stresu koji je u gradovima i većim sredinama neizbjedna pojava, opisuje ovaj poljoprivrednik. Istimče kako ima sreće da je njegova supruga pristala da se uda i živi na selu, iako je tada preselila ovdje u selo Godinja iz centra grada.



Strelište je upotpunilo razvoj turizma u općini Trnovo

Općina Trnovo prije rata imala je uređeno strelište za gađanje glinenih golubova koje je bilo poznato širom bivše Jugoslavije. Vođeni ovom činjenicom, grupa entuzijasta i načelnik Općine, došli su na ideju o osnivanju Udruženja streljaštva sa sjedištem u Trnovu.

Udruženje je osnovano u februaru 2021. godine, u skladu sa Zakonom o udruženjima i fondacijama FBiH, kao nevladina neprofitna organizacija koja djeluje na teritoriji Kantona Sarajevo. Udruženje je imenovano kao Klub za praktično streljaštvo i taktički trening RONIN Trnovo. Činjenica presudna za osnivanje ovoga Kluba bio je geografski položaj općine Trnovo i tereni koji su pogodni za razvoj infrastrukture potrebne za bavljenje praktičnim streljaštvom i taktičkim treningom.

Odmah po osnivanju Udruženje je, u saradnji sa Općinom pristupilo izradi Strategije za razvoj Kluba, sa posebnim osvrtom na pogodnosti koje Općina dobija njegovim radom i djelovanjem u oblasti turizma, ekonomije, sigurnosti i ekologije. Ova sportska disciplina je u ekspanziji u cijeloj regiji, a riječ je o veoma atraktivnom sportu koji je prožet snagom, brzinom, preciznošću i adrenalinom.

Izgradnja strelišta

Uz asistenciju i aktivno učestvovanje tima eminentnih stručnjaka IPSC (Internacional Practical Shooting Confederation) i IPSC-a regije BiH pristupljeno je izradi Projekta izgradnje civilnog strelišta za praktično streljaštvo i taktički trening, na kojem će se održavati takmičenja i prvenstva državnog, balkanskog i evropskog ranga. Klub RONIN Trnovo kao član međunarodne asocijacije klubova učestvovati će kao predstavnik Općine Trnovo na svim sportskim manifestacijama, koje ova asocijacija organizuje kako u Evropi tako i u svijetu.

Nakon Odluke Općinskog vijeća o davanju Općinskog zemljišta pod zakup, a u svrhu izgradnje civilnog strelišta, te nakon raspisivanja Javnog poziva, Klub Ronin je ispunio sve uslove i dobio pravo zakupa zemljišta na lokalitetu Donja Grkarica-Međeđa ravan. Period zakupa je 50 godina u svrhu izgradnje civilnog strelišta. Klub Ronin izgradio je civilno strelište koje odgovara svim modernim standardima, uz ispunjavanje svih zakonskih propisa. Stavljanje u funkciju ovog strelišta doprinijelo je razvoju turizma u Općini Trnovo, kao i popularizaciji ovog sporta na području općine Trnovo, ali i Kantona Sarajevo.



Press Trip na Bjelašnici

Na Bjelašnici je u novembru mjesecu nekoliko dana boravilo 35 novinara iz Slovenije, Hrvatske i Srbije. Riječ je o organizaciji „Press trip-a“, gdje su novinari dobili sve informacije usput dok su obilazili lokacije, a učešće u ovoj priči kao podrška organizatoru bila je i Općina Trnovo, te Federalno ministarstvo okoliša i turizma.

Za učesnike je upriličen izlet na vrh Bjelašnice, vožnja žičarom, zatim vožnja džipovima do Umoljana uz zaustavljanje na zanimljivim lokacijama, nakon čega je upriličen ručak s bosanskim specijalitetima, promovišući jedinstvenu gastro ponudu Trnova. Organizator Press tripa je hotel Nomad, koji u svojoj ponudi ima 51 sobu različitih veličina, wellness i spa, vrhunsku i modernu i autohtonu kuhinju i restoran, konferencijsku dvoranu te druge usluge i sadržaje, a poslovanje grade na temelju održivih načela, poštujući prirodnu baštinu u kojoj se nalaze. Posjeta novinara je organizirana kako bi promovirala ljetnu i zimsku ponudu Bjelašnice i njene okoline.

-Moram istaći da je ovo prvenstveno ideja entuzijasta koji vjeruju da mogu donijeti promjene po pitanju promocije turizma općine Trnovo, drago mi je da postoje takvi ljudi, da rade na tome, a lokalna zajednica je tu da pruži podršku za sve ovakve pozitivne priče, a ovo i jeste pravi način širenja te naše priče, i promocija naših turističkih potencijala ali i zdravog načina života na planini kao lifestyle, izjavio je Općinski načelnik u ovom povodu. Novinari koji su bili učesnici su većinom iz Lifestyle grane novinarstva, koja se definira kao novinarsko pokrivanje onih vrijednosti i praksi koje pomažu u stvaranju i označavanju specifičnog identiteta u području potrošnje i svakodnevnog života.

Lifestyle novinarstvo ima sve veći društveni značaj, pružajući nove ideje i inspiraciju o raznim proizvodima, mjestima i slično, te nastoje potrošačima/icama pomoći živjeti određeni tip života i utječu na formiranje njihovih identiteta. Sudionik Press Tripa bila je i stručna saradnica za informisanje Opcine Trnovo, koja je u oficijelnom dijelu poželjela ugodan boravak na općini Trnovo svim učesnicima, uz nadu da će svoje lijepo doživljaje i utiske prenijeti na svoje čitaće, koji će onda i sami poželjeti posjetiti Bjelašnicu.



Projekat "Premošćavanje"

Predstavnici Privredne komore Kantona Sarajevo predstavili su početkom decembra 2021. godine projekt "Premošćavanje", koji zajedno sa svojim partnerima Udruženjem Užički centar za ljudska prava i demokratiju, Ekonomskom školom Užice iz Srbije realiziraju u okviru IPA II programa prekogranične saradnje Srbija – Bosna i Hercegovina 2014 – 2020. godine. U sklopu projekta uključeno je mapiranje turističkih i ugostiteljskih kapaciteta koji su uključeni u projekt, kao i izrada i nabavka promotivnih materijala za iste. Mapirani su turistički i ugostiteljski kapaciteti sa područja općine Trnovo, te je izrađen njihov promotivni materijal. Na završnoj konferenciji u okviru projekta "Bridging" (Premošćavanje) održanoj 24.02.2023. godine u Sarajevu, u hotelu "Hills", predstavljeni su rezultati projekta ostvareni u prekograničnom području Bosne i Hercegovine i Srbije. Glavne rezultate projekta „Bridging“ ostvarene u Bosni i Hercegovini i ključne izazove za održivost intervencije, prezentirao je Darko Vujović, projekt koordinator iz Privredne komore Kantona Sarajevo. Predsjednik Udruženja turističkih agencija BiH Zoran Bibanović govorio je o turističkom proizvodu Kantona Sarajevo. Kako je to istaknuto tokom ovog događaja, prekogranični partneri su tokom implementacije projektnih aktivnosti uspostavili saradnju sa kompanijama iz oblasti turizma i ugostiteljstva sa područja Zlatiborskog okruga i Kantona Sarajevo u pravcu njihovog povezivanja i razmjene iskustva. Složili su se da zajednički trebajuinicirati bolju komunikaciju i koordinaciju. Na završnoj konferenciji uručene su i zahvalnice za saradnju i učešće u projektu, Zahvalnica je dodijeljena i Općini Trnovo, tačnije pomoćniku Općinskog načelnika u Službi za investicije, lokalni ekonomski razvoj, informacione sisteme i odnose s javnošću, gospodinu Harisu Pindži.



Postavljena tabla

“Najljepša sela Bosne i Hercegovine”

Za potrebe USAID-ovog projekta razvoja održivog turizma u Bosni i Hercegovini, Općina Trnovo finansirala je izradu i postavljanje table kojom će se obilježiti ulaz u selo Umoljani, sa oznakom da je to jedno od najljepših sela u Bosni i Hercegovini.

Na tabli je istaknut logo Općine i logo Udruženja Alterural, koji je nosioc koncepta Najljepša sela Bosne i Hercegovine.

Glavni ciljevi projekta u BiH su razvoj bosanskohercegovačkih sela prepoznavanjem njihovog kulturnog i prirodnog naslijeđa, te promoviranje bh. sela u cilju jačanja svijesti o važnosti prirodnog naslijeđa i jedinstvene kulturne i materijalne baštine.

Potpisan Memorandum

o razumjevanju

novembar 2023. godine

U kabinetu Općinskog načelnika potpisana je Memorandum o razumjevanju između Općine Trnovo i Udruženja za razvoj ruralnog turizma u BiH "Alterural".

Potpisnici su Općinski načelnik Ibro Berilo i direktorica Udruženja Alterural, Sarah Devisme.

Svrha ovog Memoranduma je uspostavljanje suradnje za selo Umoljane koje je ispunilo kriterije i

kome je dodijeljen status nosioca oznake "Najljepša sela Bosne i Hercegovine", tačnije kako bi naglasili zajedničke napore u cilju daljeg rada na očuvanju, razvoju i promociji inicijative „Najljepša sela Bosne i Hercegovine“ na domaćem i međunarodnom tržištu.

Selo Umoljani nagrađeno je oznakom „Najljepša sela Bosne i Hercegovine“ s obzirom na njegove jedinstvene karakteristike. Kroz projekt, selo Umoljani je opisano kao misteriozno selo nad kojim bđije legendarni zmaj, vodenice i čarobne šetnje duž Studenog Potoka. Umoljani su već odavno veoma poznata destinacija za sve ljubitelje prirode i cilj je promovirati turistički potencijal ovog sela ali uz samo selo i šireg područja općine Trnovo. Projekat podrazumjeva i rad na očuvanju prirodne, kulturne i nematerijalne baštine u selu Umoljani, te podsticaj na obrazovanje lokalnih sudionika za razvoj ove destinacije, rad na privlačenju turista, kao i na unaprjeđenju lokalne ekonomije kroz poticanje turizma i zbog toga su ovakve aktivnosti važne za razvoj lokalne zajednice, složili su se sudionici sastanka.

Uručivanje certifikata



U organizaciji košarkaškog kluba "KOŠ" na Bjelašnici se održava sedmi po redu košarkaški kamp

U julu mjesecu održan je sedmi po redu, "Telemach košarkaški kamp Bjelašnica 2023" na Bjelašnici. Ova, sada već tradicionalna, organizacija kampa u košarcu svake godine okupi dosta djece i mlađih, u dobnom uzrastu od 8 do 18 godina, koji dio svog raspusta provedu aktivno uz treninge u prirodi i dvorani, boraveći u hotelu Bjelašnica. Općina Trnovo je, sada već tradicionalno, finansijska podrška ovog projekta čiji je cilj afirmacija mlađih sportaša, nadogradnja sportskih vještina te dokaz da se individualnim radom i pojačanim aktivnostima može doći do uspjeha. Kroz zadnjih šest kampova prošlo je 800 djece, što govori o uspješnosti ovog projekta.

Ovaj projekat se organizuje u suradnji K.K. „KOŠ“ sa košarkaškim klubovima sa područja BiH a to su klubovi Federacije BiH (ŽKK Konjic, ŽKK Play off Sarajevo, ŽKK Livno i KK Kiseljak) i Republike Srpske (ŽKK Igman Istočno Sarajevo i KK Modriča).

Na ovogodišnjem kampu učešće je uzelo 120 djece iz Švedske, Turske, Amerike, Austrije, Slovenije, Hrvatske i Bosne i Hercegovine koji će uz vrhunske trenere provesti raspust trenirajući.

Ove godine pored organizatora i trenera koji su naši gosti od ranije; Sejo Bukva – predsjednik KK "KOŠ" i organizator kampa, Mensur Bajramović – bivši selektor muške košarkaške reprezentacije BiH, Mujo Kovačević – trener KK "Iskra" Bugojno, Admir Tutić – trener kadetske selekcije KK "KOŠ", Enes Numanović – trener juniorske selekcije KK "KOŠ", Ibrahim Zajkić – trener KK "Mladost" Bosanski Petrovac, Kenan Ahmedović – trener škole košarke KK "KOŠ", Amir Aljiji – kondicioni trener KK "KOŠ", Faris Mujezinović – trener ženske selekcije i škole košarke KK "KOŠ" Indira Bukva – trenerica ženske selekcije KK "KOŠ", Faris Povlakić – trener minibasket selekcije i škole košarke KK "KOŠ", Rijad Hodović – trener pionirske selekcije košarke KK "KOŠ" pridružili su nam se i novi treneri Dževad Alihodžić – bivši reprezentativac, sadašnji trener omladinskih selekcija u Dubaiju, Vesna Bajkuša – bivša košarkaškica i reprezentativka, košarkaška trenerica i Eugen Tončinić – trener KK "Kastav" iz Hrvatske. Gosti predavači na kampu su vrhunski stručnjaci iz svijeta košarke koji će svoje znanje prenosići polaznicima kampa.

Košarkaški kamp osmišljen je tako da se organizuje sedmodnevni boravak na svježem zraku uz bavljenje sportom i druženje sa svojim vršnjacima. Pored sportskih aktivnosti, kamp sadrži i edukativne i zabavne aktivnosti, te nerijetko djeca, osim u košarcu, se takmiče u pikadu, stonom tenisu, video-igricama, bilijaru i slično.



Prvo ski roller takmičenje na području općine Trnovo

Na području općine Trnovo, tačnije na potezu od Dečića do Gornje Grkarice održano je ski roller takmičenje. Takmičenje je trajalo dva dana, u periodu od 09:00 do 12:00 sati, kada je saobraćaj na ovoj dionici bio obustavljen. Oko 50 takmičara učestvovalo je u ovom sportskom događaju.

Dvodnevna trka kalendarom održana je na slijedeći način:

Prvi dan, 30.09.2023. godine -FIS muškarci i žene, distance 10 km (M) i 5 km (Ž) distanca.

Drugi dan, 01.10.2023. godine, FIS muškarci i žene
800 m sprint, djeca (CHI) kategorija U14, U12, U10
800 metara sprint.

Navedena utrka je preko Skijaškog saveza Bosne i Hercegovine uvrštena u kalendar Svjetske skijaške federacije FIS, boduje se na svjetskom nivou (kao i na skijama).

Prema riječima organizatora, gostiju i mnogobrojnih gledatelja, ovo je bilo veoma uspješno takmičenje, te se organizatori nadaju da će preći u tradiciju i iduće godine biti na još većem nivou.



Održana manifestacija KUD-a „Biseri Bjelašnice“

U novembru mjesecu 2023. godine održana je manifestacija "Igom i pjesmom naroda Bjelašničkog kraja 2023", a u povodu obilježavanja devetnaest godina postojanja i aktivnog djelovanja.

- Pokušali smo prezentirati naš rad i rezultate koje smo postigli za proteklih devetnaest godina. Na manifestaciji su, pored naša četri folklorna ansambla, učestvovali i naši prijatelji KUD Ekrem Mujkić, KUD Biseri Sevdaha, KUD Mošćanica i KUD Ajvatovački biseri. Prepuna sala JU Doma kulture Hrasnica je dokaz da za kulturu i tradiciju još uvijek ima nade na ovom području, saopćili su iz KUD "Biseri Bjelašnice".

Smotru folklora svečano je otvorio zamjenik Općinskog načelnika, gospodin Osman Smječanin, koji je istakao značaj postojanja i djelovanja Kulturno-umjetničkog društva s naših prostora, kako bi očuvali našu kulturu, tradiciju i običaje.

Na obilježavanju godišnjice uručene su zahvalnice pojedincima i institucijama koji su dali podršku u radu i razvoju KUD-a „Biseri Bjelašnice“. Ovogodišnji dobitnici zahvalnica su: Općina Trnovo, Općina Ilijadža, JU Kulturno sportski i rekreacioni centar Ilijadža, KJKP GRAS i Faruk Selmanović.

Dobitnici zahvalnica za učešće na smotri "Igom i pjesmom naroda Bjelašničkog kraja" povodom obilježavanja devetnaest godina rada su: KUD Ekrem Mujkić, KUD Biseri Sevdaha, KUD Mošćanica Zenica i KUD Ajvatovački biseri.

- Velika nam je čast što imamo mogućnosti da prezentujemo kulturu i tradiciju. Veliku zahvalnost dugujemo našoj Upravi KUD-a na čelu sa predsjednikom gospodinom Lučkin Salemom, koji je dokazao da se uz marljiv trud i rad mogu postići veliki rezultati, zaključuju iz KUD „Biseri Bjelašnice“.

Podijela paketića za članove

KUD "Biseri Bjelašnice" organizirali su podjelu novogodišnjih paketića za više od 100 njihovih članova. - Velika čast nam je pripala što smo večeras ugostili načelnika Općine Trnovo, gospodina Ibru Berila koji je našim članovima čestitao nadolazeću 2024. godinu. Na novogodišnjem druženju pored načelnika Općine Trnovo prisustvovali su svi roditelji, kojima smo u kratkim crtama prezentirali postignute rezultate u protekloj godini. Velikim trudom i zalaganjem naše Uprave na čelu sa predsjednikom društva, gospodinom Lučkin Salemom realizirali smo sve planirane projekte i aktivnosti, saopćili su iz KUD Biseri Bjelašnice ovom prilikom.



Održan malonogometni turnir

Jučer je na igralištu pored zgrade Općine Trnovo, u Trnovu, održan treći memorijalni turnir, u znak sjećanja na Mehmeda Mešu Mulaosmanovića.

Mehmed Mulaosmanović je u periodu od 1990. do 1997. godine obavljao funkciju predsjednika Općine Trnovo, a u vremenu od 1992. do 1996. godine bio je predsjednik ratnog Predsjedništva Općine Trnovo. Pored toga, Meša je bio i organizator otpora, a u poslijeratnim godinama upisao se u vakife džamije Ostojići.

-Mehmed Mulaosmanović je svojim odnosom prema mladim ljudima, ovoj općini i državi zasluzio da ga se sjećamo i mlađim naraštajima prenosimo njegovu hrabrost i gordost, rekao je jedan od starijih učesnika turnira koji je kako kaže poznavao Mešu.

Malonogometni turnir za mlade organizovan je na ideju i inicijativu mlađih momaka iz Trnova, Sedina Mulaosmanovića i Harisa Mulaosmanovića, sina rahmetli Mehmeda.

U turniru je učestvovalo ukupno 15 ekipa, a nagrađeni su istaknuti pojedinci turnira, najbolji golman i najbolji igrač, te ekipe koje su zauzele prva tri mesta uz pehare i novčane nagrade;

- 1.Caffe Sky
2. Sword security
- 3.Prokos Fojnica

Općina Trnovo je finansijski podržala održavanje ovog turnira, pomoćnik Općinskog načelnika, Meho Krupalija uručio je pehare i nagrade najboljima.



-Sretan sam da obzirom na veliki broj zainteresovanih i prijavljenih ekipa, turnir zaista prelazi u tradiciju. Vjerujemo da smo u prvom izdanju turnira započeli misiju našeg turnira, promicanje sportske kulture i prijateljstva i druženja naših mlađih, te nam je želja u tom smjeru i nastaviti graditi naš turnir. Svaki put se veselim dolasku ekipa i njihove podrške, posjetilaca turnira, te našem zajedničkom druženju i uživanju u nogometu i prirodnim ljepotama Trnova – rekao je jedan od inicijatora turnira Sedin Mulosmanović.

9. Javorwood Festival

Protekle godine, 1. augusta počela je umjetnička rezidencija 9. Javorwood Festivala, koja je trajala sedam dana, i ugostila ukupno 12 umjetnika iz BiH i regije. Na glavnom, finalnom danu festivala, u subotu 5. augusta su predstavljeni svi radovi, djela, performansi, predstave, sa bogatim muzičkim programom na dva stage-a, kao i kreativnim radionicama za djecu i odrasle.

Ovaj jedinstveni umjetnički festival je specifičan po tome što već devetu godinu promovira prirodu i umjetnost i što daje umjetnicima priliku da kreiraju zajedno u prirodnom ambijentu, i daje posjetiteljima mogućnost da prate njihov proces rada i da na glavni dan vide jedinstvena djela i nastupe koje nikad do sada nisu vidjeli.

Općina Trnovo finansijski je podržala održavanje i organizaciju ovog kulturnog događaja, a sam festival i izložbu posjetio je i Općinski načelnik.



Obilježavanje značajnih datuma

Obilježena godišnjica diverzantske akcije Čakle i Dana diverzanata

Na obilježavanju 29. godišnjice diverzantske akcije Čakle i Dana diverzanata Prve bošnjačke brigade Armije RBiH, danas su se okupili bivši diverzanti, veterani rata, porodice šehida i prijatelji, predstavnici boračkih udruženja, gosti i brojni građani.

Obilježavanju su prisustvovali i učenici OŠ "Zaim Kolar" iz Dejčića.

Organizator obilježavanja, koje se održalo na platou Čakle, bilo je Udruženje JOB "Unija veterana" Općine Trnovo, uz finansijsku podršku Ministarstva za pitanja boraca Kantona Sarajevo i Općine Trnovo.

Odata je počast svim poginulim i umrlim braniteljima u proteklom ratu, pripadnicima diverzantskog voda Prve bošnjačke brigade, te Mehanić Mirsadu koji je poginuo na Čaklama.

Odali su počast i položili cvijeće delegacije Općine Trnovo, Koordinacija boračkih udruženja KS sa članovima specijalne jedinice-Vikićevci, zatim pripadnici Udruženja najvećih ratnih priznanja Zlatni Ilijan i Zlatna policijska značka KS, Koordinacije boračkih udruženja Općine Trnovo, Udruženje veterani policije Općine Trnovo, te Udruženje Prve bošnjačke brigade u čije ime su učenice i učenici OŠ "Zaim Kolar" položili cvijeće.

Na platou Čakle, mjestu pogibije Mehanić Mirsada, pored već navedenih delegacija počast je odala i položila cvijeće i njegova porodica, supruga i sestre. Mirsad je bio pripadnik DIV-a Prve bošnjačke brigade i obavljao dužnost komandira voda.

Poginuo je 06.10.1994. godine u oslobođanju platoa Bjelašnice u mjestu Čakle.

Proučen je Jasin i dova, a historijski čas o dešavanjima na Čaklama održao je jedan od pripadnika DIV-a, Ismet Imamović.

Poruka ovogodišnjeg obilježavanja je da heroji, Trnovski diverzanti, zasluzuju sjećanje i poštovanje, kako oni koji su dali svoje živote, tako i oni koji su živi.



Godišnjica pogibije komadanta Zaima Imamovića

Na Dujmovskim brdima obilježena 28. godišnjica pogibije legendarnog komadanta Zaima Imamovića. Položeno je cvijeće i odata počast na spomen-obilježju koje je podignuto u njegovu čast. Cvijeće su položile i odale počast brojne delegacije, članovi porodice, saborci i prijatelji, a među njima i delegacija Općine Trnovo.

Zaim Imamović rođen je 22. aprila 1961. godine u malom podrinjskom mjestu Poratak kod Ilovače, u opštini Goražde. Učesnik je svih bitki za odbranu Goražda i tvorac operacija "Krug" i "Drina", tokom kojih su nedovoljno naoružani branitelji ovog herojskog grada u avgustu i septembru 1992. oslobodili kompletan prostor ove općine. Poginuo je 9. oktobra 1995. godine u borbi vođenoj na Rogojskoj gredi, na padinama Treskavice, u okviru završnih borbi koje je vodila Armija Republike Bosna i Hercegovina na deblokadi, odnosno povezivanju Sarajeva i Goražda. Posthumno je odlikovan najvišim ratnim priznanjem Armije RBiH "Zlatni Ilijan", a njemu u čast i kasarna Oružanih snaga Bosne i Hercegovine u Pazariću nosi naziv "Zaim Imamović".

Ovo obilježavanje je, prema organizaciji Saveza udruženja dobitnika najvećih ratnih priznanja "Zlatni Ilijan" i "Zlatna policijska značka" Kantona Sarajevo, započelo odavanjem počasti i polaganjem cvijeća u harem Alipašine džamije gdje je ukopan.



Obilježavanje značajnih datuma

Dani Kantona Sarajevo

Povodom Dana Kantona Sarajevo od 02. do 09. maja 2023. godine, delegacija Općine Trnovo, u okviru obilježavanja Bitke za odbranu Predsjedništva Republike Bosne i Hercegovine, položila je cvijeće i odala počast na Mezarju "Kovači". Polaganjem cvijeća i sjećanjem na sve one koji su svoje živote utkali u temelje naše jedine domovine Bosne i Hercegovine službeno je započela ovogodišnja manifestacija Dani Kantona Sarajevo. U okviru prigodnog programa, prisutnima se obratio ministar za boračka pitanja Kantona Sarajevo Omer Osmanović sjećajući se tih sudbonosnih dana za našu zemlju i njen glavni grad, poručivši kako se današnji stanovnici našeg glavnog grada, ali i svi domoljubi umoriti neće, jer je kultura sjećanja ostavljena u amanet svima njima.



Povodom obilježavanja Dana Evrope delegacija Općine odala počast i položila cvijeće

Polaganjem cvijeća i odavanjem počasti na Spomen obilježju Vječna vatra i Spomen parku Vraca, delegacija Općine Trnovo obilježila je 9. maj – Dan pobjede nad fašizmom, Dan Evrope i Dan Zlatnih ljljana.

Osim delegacije Općine, 9. maj obilježile su brojne delegacije – Predsjedništva Bosne i Hercegovine, Parlamentarne Skupštine BiH, Federacije BiH, Grada Sarajeva, delegacija Kantona Sarajevo i delegacije drugih općina s područja KS, delegacije SABNOR-a KS i drugi.

Dan pobjede nad fašizmom je jedan od najznačajnijih praznika u evropskom kalendaru, a s obzirom da označava prelomni trenutak u kojem je i definisan budući izgled Evrope, ovaj dan se ujedno obilježava i kao Dan Evrope. Ovo je dan kada su principi slobode, demokratije i ljudskog dostojanstva nadvladali zlo koje je propagirala fašistička filozofija.



Obilježen dan sjećanja na ubijenu djecu Sarajeva

U okviru Dana Kantona Sarajevo, a povodom obilježavanja Dana sjećanja na ubijenu djecu Sarajeva- 5 maj, delegacija Općine Trnovo prisustvovala je programu posvećenom ubijenoj djeci opkoljenog Sarajeva 1992-1995. Dirljiv program, kao bolno sjećanje na 1.601 ubijeno dijete, uz učešće djece osnovnih i srednjih škola Kantona Sarajevo nikoga nije ostavio ravnodušnim i poslao je snažnu poruku djece svijetu. Programu su prisustvovali članovi Udruženja roditelja ubijene djece opkoljenog Sarajeva, član Predsjedništva BiH Denis Bećirović, delegacija Grada Sarajeva, delegacija Kantona Sarajevo, delegacije Općina Kantona Sarajevo.

Podsjećamo Vlada Kantona Sarajevo je 5. septembra 2019. godine donijela Odluku da će se 5. maj obilježavati kao Dan sjećanja na ubijenu djecu Sarajeva.



Obilježavanje značajnih datuma

Obilježena 31. godišnjica bitke za Trnovo

Porodice šehida i poginulih boraca, predstavnici boračkih udruženja, veterani proteklog rata, predstavnici Općine Trnovo, vijećnici Općinskog vijeća, brojni gosti i sugrađani su obilježili 31. godišnjicu "Bitke za Trnovo". Organizator obilježavanja bilo je Udruženje Organizacija porodica šehida i poginulih boraca Općine Trnovo uz finansijsku podršku Općine Trnovo. Obilježavanje je upriličeno pored spomen-obilježja izgrađenog u znak sjećanja na poginule branitelje Trnova, kod zgrade Općine. Naime, ratne 1992. godine, 30. avgusta odigrala se jedna od najznačajnijih bitaka koje su se vodile na teritoriji općine Trnovo i šire. Trnovlјaci su oslobođili svoj grad od agresora, a mnogi su u toj borbi dali svoje živote. Svake godine, sada već tradicionalno se obilježava ovaj datum, u tom povodu proučen je Jasen i dova, a počast šehidima polaganjem cvijeća i učenjem Fatihe odali su – delegacija Federalnog ministarstva za pitanja boraca na čelu sa ministrom Nedžadom Lokmićem, delegacija Koordinacije boračkih udruženja Federacije BiH, delegacija Općine Trnovo, delegacija koordinacije boračkih udruženja Kantona Sarajevo, delegacija Saveza Zlatni Ilijan i Zlatna policijska značka, koordinacije boračkih udruženja Općine Trnovo i delegacija OO SDA Trnovo. Prigodnim govorom skupu se obratila predsjednica "Udruženja Organizacija porodica šehida i poginulih boraca" Općine Trnovo Sifa Dreca, a historijski čas o značaju "Bitke za Trnovo" održao je ratni komandant Edhem Godinjak. Skupu se obratio i Federalni ministar za pitanja boraca, Nedžad Lokmić. Ministar je ovom prilikom kazao da je ovo prilika da se zahvalimo majkama i očevima što su nam podarili takve hrabre sinove i kćeri, bez kojih mi danas ne bi bili ovdje. Oni su u teškom, tragičnom ali i slavnom vremenu odbrane od agresije ugradili svoje živote u temelje naše slobodne i demokratske države. Njihova velika žrtva naša je stalna obaveza, moramo pričati o njihovoj hrabrosti i njihovim podvizima, sjećati se njihovih porodica i učiniti da se lijepo osjećaju u vremenu u kojem živimo, biti sretni da te porodice žive u našem komšiluku, zaključio je.



Obilježavanje značajnih datuma

Održane sedme po redu „Veteranske igre„

U organizaciji JOB-a "Unije Veterana" Kantona Sarajevo održane su sedme po redu "Veteranske sportske igre" boraca. Uz podršku Ministarstva za boračka pitanja Kantona Sarajevo igre su održane u Sportsko-rekreativnom centru Gabeljić u Vogošći. Na igrama su se takmičile ekipе veterana svih Općina Kantona Sarajevo, a igrao se fudbal, stoni tenis, šah i pikado. Priredjeno je cjelokupno druženje kroz sportska takmičenja. Prisutnima se obratio predsjednik JOB-a "Unija Veterana" Kantona Sarajevo Ismet Imamović-Beli i Ministar za boračka pitanja KS Omer Osmanović, koji je otvorio igre.

U ovim sportskim igrama učestvovali su i ekipе veterana iz Trnova, gdje su takmičari ispred Udruženja jedinstvene organizacije boraca "Unije veterana" općine Trnovo osvojili treće mjesto u stonom tenisu.



Obilježen Dan policije SJB Trnovo

Na spomen obilježju u Trnovu upriličeno obilježavanje 32. godišnjice mobilizacije aktivnog i rezervnog sastava policije SJB Trnovo. Domaćin obilježavanja je Udruženje boraca "Patriotska liga" Trnovo, koje je dalo nemjerljiv doprinos u odbrani Bosne i Hercegovine, a danas djeluju na čuvanju i njegovanju tradicije odbrambeno-oslobodilačkog rata.

Nakon što su proučene i poklonjene Jasins-dove u svim džamijama u Trnovu za sve poginule i umrle pripadnike ovog Udruženja odata je počast ispred centralnog spomen obilježja u Trnovu. Cvijeće je položila delegacija Federalnog ministarstva za pitanja boraca i invalida odbrambeno-oslobodilačkog rata, tačnije pomoćnik ministra Mirza Terzo, zatim Ministar za boračka pitanja Kantona Sarajevo Omer Osmanović, delegacija Općine Trnovo, delegacija Saveza udruženja najvećih ratnih priznanja "Zlatni Ilijan" i "Zlatna policijska značka", JOB "Unija veterana" KS, Veterani policije Trnovo, Udruženje 1. Bošnjačka brigada, Koordinacija boračkih udruženja Općine Trnovo, i delegacija Općinske organizacije SDA Trnovo.

Povodom ovog historijski bitnog datuma prisutni su se kao i svake prethodne godine s posebnim poštovanjem i sjetom prisjetili svih trnovskih policijskih službenika koji su izgubili život tokom proteklog rata, ali i onih koji su nas kasnije napustili. Prisutnima se ovom prilikom obratio Edhem Godinjak načelnik tadašnje SJB Trnovo, koji je govorio o historijskim činjenicama i kao i impresivne detalje policijske akcije izvedene u septembru te ratne godine. Kratko se ovom prilikom obratio i ministar Osmanović koji je istakao kako mu je zadovoljstvo danas biti ovdje, te se zahvalio organizatoru na njegovanju kulture sjećanja.



Obilježavanje značajnih datuma

Obilježen Dan šehida u općini Trnovo

Učenjem dove i polaganjem cvijeća, drugog dana Ramazanskog bajrama na centralnom šehidskom mezarju na Igmanu - Velikom polju obilježen je Dan šehida na području općine Trnovo.

Programu je prisustvovao Općinski načelnik Ibro Berilo, predsjedavajuća Općinskog vijeća Amina Dedić i vijećnici Općinskog vijeća Trnovo, predstavnici boračkih organizacija, porodice šehida i druge delegacije.

Nakon upućene zajedničke dove, s ovog mesta danas poručeno je da šehidi kao najbolji sinovi BiH nikada neće biti zaboravljeni, jer oni su dali svoje živote za državu i slobodu koju danas uživamo.

Islamska zajednica je drugi dan Ramazanskog bajrama označila Danom šehida.



- Naše porodice već dugo razumiju da nema ništa važnije u ovome danu od vizijeta naših šehitluka i mezarja gdje su njihovi najmiliji, ali mi uvijek pozivamo sve građane koji žele da nam se pridruže, dođu ovdje i podsjetite se na najvažnije vrijednosti, sjete se zajedno sa nama najvažnijih sinova ove države i nadam se da ćemo ovdje biti svake godine i svake godine ako Bog da u većem broju sa našom djecom, unucima, praunucima, istakla je predsjednica Udruženja porodica šehida, Sifa Dreca.

Općinski načelnik je danas kazao da ma koliko se trudili mi ne možemo dokučiti kolika je vrijednost naših šehida. Uz šehide danas je želio podsjetiti na sve oni koji su branili domovinu, pripadnike Armije RBiH, a kasnije i Oružanih snaga BiH. Svima njima iskazujemo veliko poštovanje i zahvalnost, te istaknuo koliko je važno prenijeti na našu djecu, na naše potomke, ono što je historija posvjedočila u vremenu iza nas, devedesetih godina kada smo uspjeli odbraniti Bosnu i Hercegovinu, u nju dovesti slobodu i mnoge druge vrijednosti.

Delegacija Općine Trnovo položila cvijeće prilikom obilježavanja 28. godišnjice ubistva šestorice mladih Srebreničana

Članovi porodica i predstavnici Organizacionog odbora za obilježavanje genocida u Srebrenici, te brojni građani obišli su danas mjesto stradanja u Trnovu, u mjestu Godinjske bare. Polaganjem cvijeća te učenjem Jasina i predavanjem hatma-dove odata je počast.

- Tužno je da na ovom mjestu, mjestu gdje je stradao moj brat, evo danas ni nakon 28 godina nema spomen-obilježja, kazala je jedna gospođa koja je došla iz Zavidovića danas u Godinjske bare.

U Godinjskim barama su pripadnici zloglasne srpske jedinice "Škorioni", prije 28 godina, pucnjima s leđa ubili šestoricu Bošnjaka iz Srebrenice među kojima je najmlađi imao 16, a najstariji 35 godina, javlja Anadolu. Ubijeni su Safet Fejzić (17), Azmir Alispahić (16), Sidik Salkić (36), Smail Ibrahimović (35), Dino Salihović (18) i Juso Delić (25).



Općinsko vijeće

Svečano obilježen Dan Općine Trnovo - 17. mart

Prigodnim svečanim programom danas je obilježen Dan Općine Trnovo, koji je započeo odavanjem počasti i polaganjem cvijeća na mezaru ratnog komadanta Prve bošnjačke brigade, Selima Hamzića, kod Alipašine džamije. Potom je odata počast i položeno cvijeće i na spomen-obilježju Veliko polje na Igmanu, svim poginulim pripadnicima Armije i MUP-a Republike Bosne i Hercegovine.

U sklopu obilježavanja organizovan je i obilazak Poslovno sportskog centra Trnovo koji je u fazi izgradnje sredstvima Općine Trnovo.

Nakon čega je uslijedila Svečana sjednica Općinskog vijeća, kojoj su prisustvovali brojne zvanice iz javnog, političkog i kulturnog života Trnova, Kantona Sarajevo i Federacije BiH, kao i brojni građani. Svečanu sjednicu, koja je održana u Hotelu "Bjelašnica", otvorila je predsjedavajuća Općinskog vijeća Amina Dedić i uputila čestitku povodom Dana Općine.

Pojedincima i kolektivima koji su dali naročit doprinos u razvoju i afirmaciji Trnova dodijeljena su ovogodišnja Općinska priznanja.

Povelja počasnog građanina uručena je Šefiku Džaferoviću i Edhemu Godinjaku, a dobitnik Plakete Općinskog vijeća je Mirza Terzo, dok je kolektivna Plaketa dodijeljena Lovačkom društvu Trnovo – sekciji Deljaši.

Općinsko priznanje Stećak dobili su: Jasmin Lindov, te posthumno za Zaima Omerbegovića i Šeću Hošića.

Zahvalnice Općine Trnovo su uručene: JKP Trnovo, Hotelu Bjelašnica, Mirsadu Keškiću, Jasminu Mehiciću, Emiru Hrnjiću, Safetu ef. Muminoviću, dr. Adiju Hadžismajloviću i dr. Milišić Emiru.

U ime nagrađenih na priznanjima se zahvalio Mirza Terzo, v.d. ministra za boračka pitanja Federacije BiH, jedan od dobitnika priznanja. Zahvalio je Općini Trnovo na ukazanom povjerenju i dodjelenom priznanju.

Na svečanoj sjednici kratko se obratio i gospodin Džaferović, istaknuvši kako je sretan i zahvalan da je dobitnik povelje počasnog gradjanina naše lokalne zajednice.

Općinski načelnik Ibro Berilo u svom je obraćanju pozdravio sve prisutne, zahvalio svima koji su došli na obilježavanje, kao i svima onima koji doprinose razvoju i prosperitetu Trnova. Govorio je i o realizovanim projektima i onome što je urađeno u protekloj godini, te budućim planovima.



Prijem penzionisanih uposlenika Općine

Općina Trnovo upriličila je prijem penzionera – bivših uposlenika Općine Trnovo.

Općinski načelnik, prisutne je upoznao sa aktualnim investicijama, radovima, kao i planovima za naredni period. Prijem je protekao u sručnom raspoloženju, druženju i razgovoru. Ovim prijemom iskazano je još jednom poštovanje prema bivšim uposlenicima Općine Trnovo za minuli rad koji su proveli u ovom organu a lijepa sjećanja iz prošlih vremena i teme svakodnevnice bili su nastavak lijepog i ugodnog druženja. Ovom prigodom Općinski načelnik je penzionerima, koji su većinom i stanovnici ove lokalne zajednice, uputio najiskrenije čestitke u povodu Dana Općine Trnovo i uručio skromne poklone u znak pažnje i poštovanja.



Održane javne rasprave u sve četiri mjesne zajednice

Javne rasprave o Nacrtu Budžeta Općine Trnovo za 2024. godinu, koji je sredinom novembra mjeseca usvojilo Općinsko vijeće održane su tokom mjeseca novembra protekle godine u sve četiri mjesne zajednice. Raspravi su prisustvovali članovi Savjeta mjesnih zajednica, Općinski vijećnici i građani općine Trnovo.

Prema riječima pomoćnice za privredu i finansije, koja je dala uvodne napomene vezano za sam Nacrt, cilj je čuti stavove svih učesnika rasprave vezane za ovaj najvažniji dokument za jednu lokalnu zajednicu i njene građane.

– Reakcije koje smo dobili na Nacrt Budžeta su ohrabrujuće i smatram da smo na dobrom putu da usaglasimo sve potrebe i ciljeve naših građana, izjavio je Općinski načelnik ovom prilikom.

Svi stavovi i primjedbe, po riječima Općinskog načelnika, biće uzete u obzir i poslužit će za formiranje konačnog prijedloga-Budžeta Općine Trnovo za 2024. godinu, koji će se onda naći pred Općinskim vijećem na usvajanju već krajem decembra.



Usvojen Budžet Općine Trnovo za 2024. godinu

Na 22. redovnoj sjednici Općinskog vijeća, održanoj 27. decembra 2023. godine, usvojen je Budžet Općine Trnovo za 2024. godinu. Sjednicom je predsjedavala predsjedavajuća Općinskog vijeća Amina Dedić.

Budžet Općine za 2024. godinu iznosi 22.048.072,72 KM.

Usvojena je i Odluka o izvršavanju Budžeta Općine Trnovo za 2024. godinu kojom se uređuju struktura prihoda i primitaka, rashoda i izdataka budžeta, njegovo izvršenje, prioriteti plaćanja i finansijsko izvještavanje. Pomoćnica Općinskog načelnika za finansije i privredu, Zineta Hadžić u svom izlaganju vezano za tačke na Dnevnom redu koje se odnose na Budžet za 2024. godinu istakla kako je za kapitalne projekte Općine planirano utrošiti 16.328.572,72 KM, dok za opći dio Budžeta (plaće i naknade uposlenih, materijalne troškove organa uprave i tekuće transfere) planirana su sredstva u iznosu od 5.719.500,00 KM. Ključni kapitalni projekti koji će se realizovati u narednoj godini je izrada provedbeno planske dokumentacije, izgradnja, rekonstrukcija i sanacija puteva. Općina planira sredstva u iznosu od oko 1.300.000,00 KM za sanaciju lokalnih puteva i završetak radova na izgradnji Poslovno-sportskog centra na Bjelašnici, dok zajedno sa višim nivoima vlasti Općina u ovu svrhu planira uložiti sredstva u iznosu od 7.199.883,00 KM. U Budžetu Općine Trnovo za narednu godinu su u okviru tekućih transfера planirani izdaci za socijalna davanja ugroženim kategorijama stanovništva, stipendije srednjoškolcima i studentima, kao i fond za poljoprivredne podsticaje.



Nova strategija razvoja Općine Trnovo 2023. - 2027.

Na 17.redovnoj sjednici usvojena je Strategija održivog razvoja Općine Trnovo za period 2023-2027. godine. Nositac izrade nove Strategije Općine je Privredna komora Kantona Sarajevo, stoga je gost sjednice bio predsjednik Privredne komore Kantona Sarajevo,

Muamer Mahmutović koji se obratio ovom prilikom Općinskom vijeću, te između ostalog čestitao Općini Trnovo na ponuđenom planu razvoja.

Prethodna Strategija razvoja Općine Trnovo realizirana je u smislu njenih ciljeva koji su postavljeni, ali i mjera koje je bilo planirano provesti, što potvrđuju statistički podaci koji govore da je Općina Trnovo u prvoj grupi po indeksu razvijenosti općina, gradova i kantona u FBiH.



Nova integrisana Strategija razvoja predviđa petogodišnji period, dakle period do 2027. godine. Donošenje ovog strateškog dokumenta vrlo je važno, jer je ono polazna tačka za izradu dokumenta okvirnog Budžeta Općine ali i godišnji budžet Općine Trnovo.

Upravo nova razvojna Strategija Općine putokaz je budućeg razvoja ove lokalne zajednice u narednih pet godina.

Na njenoj izradi radio je tim eksperata, predstavnici službi Jedinstvenog općinskog organa Općine Trnovo, Općinskog vijeća i drugih ustanova.

U periodu koji Strategija obuhvata planirani su konkretni projekti, uz viziju i strateške ciljeve.

Vizija: Vodeća destinacija sportsko-rekreativnog i ruralnog turizma u BiH, prepoznatljiva po ponudi organskih poljoprivrednih proizvoda, te ugodnom i zaštićenom ambijentu za život.

Vizija će se realizirati kroz tri strateška cilja a to su:

1. Održivi razvoj turizma i organske poljoprivredne proizvodnje
2. Inkluzivan društveno-ekonomski rast uz poticanje zapošljavanja i samozapošljavanja
3. Savremena i ekološki održiva infrastruktura

- Općina je imala toliko aktivnosti da je počela da privlači ljudi u smislu življenja, ali i poslovanja u općini. Prema podacima Agencije koja prati stepen razvijenosti svih općina u FBiH mi smo značajno napredovali iz nerazvijenih u jako razvijene Općine po indeksu razvijenosti u Federaciji.

Ono što nam je cilj je da budemo još bolji i napredujemo iz godine u godinu, te da ostvarimo svoju viziju a da bismo ostvarili viziju važno je identificirati aktivnosti koje se trebaju obaviti.

Turizam kao grana privrede u BiH nije ni polovično iskorištena, unatoč povolnjom geografskom položaju, izuzetnim prirodnim ljepotama i kulturno-historijskom naslijeđu, a razlog tome je nepostojanje vizije razvoja turizma, kao i nedostatak ulaganja.

Snažno vjerujem u naše planirane aktivnosti, većinu njih smo već započeli, a obzirom na naše potencijale i kapacitete ne sumnjam u ostvarenje vizije Općine Trnovo, istakao je Općinski načelnik.



Radne posjete

Premijer Uk održao sastanak s načelnicima Općina i zamjenikom gradonačelnice aprila 2023. godine

S ciljem efikasnije saradnje, rješavanja problema i brže provedbe projekata, odnosno bržeg razvoja Kantona Sarajevo, premijer Nihad Uk danas je održao radni sastanak s načelnicima, odnosno predstvincima devet sarajevskih općina, te zamjenikom gradonačelnice Harisom Bašićem.

Kako je u uvodnom obraćanju naveo premijer Uk, namjera mu je da ovakvi sastanci budu redovni i trebali bi se održavati svaka tri mjeseca. Svaki od njih bit će posvećen određenoj temi, a na njima će, osim premijera i načelnika, biti prisutni i resorni ministri, te predstavnici nadležnih općinskih službi. Tokom današnjeg susreta načelnici su svi pojedinačno iznijeli najveće probleme u funkcioniranju njihovih lokalnih zajednica, te prijedložili konkretne načine za njihovo prevazilaženje.



Premijer KS u posjeti Općini Trnovo

Nihad Uk, premijer Kantona Sarajevo je boravio u radnoj posjeti općini Trnovo. Sastanak Općinskog načelnika i premijera održan je u zgradi općine, nakon čega je upriličena posjeta Poslovno - sportskom centru na Bjelašnici, čija je izgradnja u toku.

Općinski načelnik je upoznao premijera Uka o projektima koji su u toku, kao i budućim aktivnostima koje Općina planira realizovati i za koje očekuju pomoći i suradnju Vlade Kantona Sarajevo.

Premijer Uk istaknuo je kako Vlada razumije potrebe općine Trnovo i njenu ulogu u ukupnom turističkom potencijalu Kantona Sarajevo.

Općinski načelnik u svom izlaganju je istakao kako Općina Trnovo s pravom nosi epitet jedne od glavnih turističkih destinacija Kantona Sarajevo, a upornim radom i promovisanjem uspijet ćemo naš turistički potencijal za sport, kulturu i turizam formulisati u turističku ponudu, te je približiti i turistima van ove regije, što potvrđuje struktura gostiju u posljednjim dosta uspješnijim turističkim sezonomama, zaključuje Općinski načelnik ističući i to kako se iskreno nada da će Vlada KS nastaviti podržavati projekte kako bi Trnovo bilo ugodno mjesto življena.

Općinski načelnik se na kraju zahvalio premijeru na dolasku i prilici, nadajući se dobroj daljoj saradnji.



Posjeta Federalnog ministra za pitanja boraca i invalida odbrambeno - oslobođilačkog rata Januar 2024. godine

Općinu Trnovo posjetio je Federalni ministar za pitanja boraca i invalida odbrambeno-oslobodilačkog rata, Nedžad Lokmić sa saradnicima.

Tokom sastanka razgovaralo se o realizaciji projekta izgradnje spomenika Diverzantima na području općine Trnovo, za koji je nedavno potpisani Sporazum o sufinansiraju od strane Ministarstva u iznosu od 35.000 KM, te o aktuelnim problemima sa kojima se susreće boračka populacija sa područja općine Trnovo. A glavni cilj i tema sastanka je unapređenje i još bolja saradnja između Općine i Ministarstva.

Općinski načelnik, Ibro Berilo zahvalio se Ministru na ukazanom povjerenju, novčanoj pomoći za sufinansiranje izgradnje pomenutog spomenika i upriličenoj posjeti.



Radne posjete

Ministar Magoda posjetio gradilište Poslovno-sportskog centra Trnovo na Bjelašnici oktobar 2023. godine

Ministar kulture i sporta Kantona Sarajevo, Kenan Magoda, posjetio je općinu Trnovo. Općinski načelnik i Ministar su ovom prilikom obišli gradilište Poslovno-sportskog centra Trnovo na Bjelašnici, a u povodu sufinansiranja izgradnje sportskih objekata od strane Vlade Kantona Sarajevo. Naime, zaključen je Sporazum o sufinansiranju projekta Općine Trnovo „Izgradnja Velikog nogometnog terena i tribine u obuhvatu Poslovno-sportskog centra u Trnovu“ iz Budžeta Kantona Sarajevo. Potpisnici ovog Sporazuma su Općina Trnovo, Ministarstvo kulture i sporta, te Zavod za izgradnju Kantona Sarajevo, koji će vršiti nadzor nad realizacijom. Općinski načelnik upoznao je ministra Magodu s daljim aktivnostima u izgradnji Poslovno-sportskog centra.

– Veoma je važno da sarađujemo, te da se zajedno zalažemo za to da našoj djeci i mladima omogućimo da se bave sportom i da imaju uslove kao oni u Evropi i svijetu. Poslovno-sportski centar Trnovo je savremen i funkcionalan, te estetski dopadljiv i moderan sportski objekat, opremljen najmodernijom opremom za namjenu i korištenje u sportske svrhe. Ono što dvoranu i sportske sadržaje u centru Trnovo izdvaja od ostalih u širem okruženju je, po evropskim standardima, postavljene univerzalne podloge i Elanova oprema i parket u samoj dvorani, zaključuje načelnik, te se zahvalio Vladi Kantona Sarajevo na donesenoj Odluci o sufinansiranju ovog velikog projekta. Na tom putu Ministarstvo kulture i sporta, koje predvodim, sigurno će biti pouzdan partner – naglasio je ministar Magoda, te dao izjavu u ovom povodu: „Vlada Kantona Sarajevo je, na prijedlog Ministarstva kulture i sporta, donijela odluku da će pomoći u sufinansiranju izgradnje sportskog centra na lokalitetu općine Trnovo, tačnije na Bjelašnici. Radi se o sigurno najvećem infrastrukturnom projektu iz oblasti sporta i vjerujem da ćemo svi stanovnici Kantona Sarajevo i države Bosne i Hercegovine biti ponosni kada ovaj centar bude u funkciji. Siguran sam da će sve reprezentacije iz regionalnih i sportski klubova dolaziti na pripreme kako u zimskom, tako i u ljetnom periodu jer ovo što do sada vidimo izgrađeno u sportskom centru Bjelašnica nam daje vjetar u leđa da možemo itekako kvalitetno, strateški razmišljati o razvoju sporta u Kantonu Sarajevo. Prvi put ćemo imati multifunkcionalnu dvoranu, i to na na 1000 i više metara nadmorske visine, sa nizom drugih sportskih terena za fudbal, odbjelu, košarku, rukomet i najvažnije da je to sve prilagođeno za vrhunski sport. Odmah pored sportskih terena i dvorane se nalazi hotel sa vrhunskim wellnessom, tako da će ovaj centar biti zaista jedan paket za sportiste, da svoje trenaže procese i pripreme mogu odvijati nesmetano. Ovo je samo početak ulaganja Vlade Kantona Sarajevo u sportski centar Bjelašnice, i mi ćemo u narednom periodu dodatno pojačati finansiranje, naravno sve opet zavisi od samog Budžeta Kantona Sarajevo, ali ja kao resorni ministar Ministarstva kulture i sporta sam nakon dugo vremena podržao nešto što stvarno istinski vrijedi na Bjelašnici, i ponosan sam na to.“



Radne posjete

Dobrovoljno vatrogasno društvo Općine Trnovo dobilo novo vozilo august 2023.

U prostorijama vatrogasnog društva Trnovo su Općinski načelnik i predsjednik ovog vatrogasnog društva ugostili ambasadora BiH U Norveškoj, gospodina Bakira Sadovića, zatim gospodina Svein Arne Jerstada, bivšeg načelnika Opštine Kvinesdal i velikog borca za Bosnu i Hercegovinu u Norveškoj, inače i bivši vatrogasac, te na čelu delegacije gospodin Ahmed Lindov, predsjednik Norveško Bosanske privredne komore na čiju je inicijativu i došlo do realizacije gesta podrške i pomoći Općini Trnovo od strane Norveške.

Riječ je o poklonu Opštine Kvinesdal Općini Trnovo, te je danas upriličena primopredaja

vatrogasnog kamiona za potrebe vatrogasnog društva koje djeluje na području Općine Trnovo, u pitanju je specijalno višenamjensko vatrogasno vozilo "Scania M92". Na potpisivanju ugovora i primopredaji vozila prisustvovali su i direktor kantonalne uprave civilne zaštite, gospodin Dženan Brkanić i predsjedavajući skupštine Kantona Sarajevo, gospodin Elvedin Okerić. Općinski načelnik ovom prilikom zahvalio se na sveukupnoj podršci i pomoći, te sve prisutne pozvao na obilazak općine Trnovo nakon čega je uslijedio i svečani ručak, na kojem su delegaciji iz Norveške uručeni simbolični pokloni Općine Trnovo. Načelnik Opštine Kvinesdal i gospodin Ahmed Lindov istakli su kako im je zadovoljstvo i da su sigurni da je vozilo otišlo u prave ruke, te da su oduševljeni entuzijazmom mladih momaka koji su aktivni u ovom društvu, te kako su ih prethodnu noć zatekli kako Peru vozilo i spremaju ga za današnju primopredaju. "Pripadnici našeg vatrogasnog društva su svojim zalaganjem u spašavanju ljudi i materijalnih dobara opravdali ovakva ulaganja", zaključio je predsjednik dobrovoljnog vatrogasnog društva, gospodin Emin Berilo.



Mladi u lokalnim zajednicama

Kvalitet života i mogućnosti mladih u lokalnim zajednicama uveliko ovise o značaju koje općine pridaju mladima, ali i postojanju osobe koja će imati posredničku funkciju između lokalne uprave/vijeća, mladih i odraslih, te osiguravati odgovarajuću podršku mladima. Prateći moderne trendove zemalja Europske unije i važnost mladih za svaku lokalnu zajednicu, sve veći broj općina u sistematizaciji radnih mjesta ima i službenika/cu za mlade. U cilju unapređenja saradnje između službenika za mlade na području Kantona Sarajevo, u prostorijama Općine Ilijaš održan je sastanak službenika za mlade jedinica lokalne samouprave sa područja ovog kantona, kojem su prisustvovali predstavnici općina Hadžići, Trnovo, Novo Sarajevo, Centar, Novi Grad, Ilidža i Ilijaš. Na sastanku je razgovarano o mehanizmima politika prema mladima, ali i važnosti informisanja mladih o aktivnostima koje se provode u njihovim općinama te promociji službenika/ca za mlade. Sastanak je organizovan na inicijativu stručne savjetnice za obrazovanje, pitanja mladih i NVO sektor Općine Ilijaš Enise Mešetović, koja je istakla značaj kontunirane saradnje između službenika za mlade, ali i razmjene primjera dobrih praksi koje postoje u svim općinama na području Kantona Sarajevo. „Službenici za mlade su najvažnija spona između lokalnih vlasti i mladih, a samim tim i između obrazovnih ustanova, udruženja mladih i svih drugih mehanizama, koji rade sa mladima i za mlade. U tom kontekstu naša uloga je od izuzetnog značaja, kao i aktivnosti koje realizujemo svakodnevno, a sve u cilju poboljšanja položaja mladih. Danas smo razgovarali i o mnogobrojim izazovima sa kojima se susrećemo u radu sa mladima, ali i predstavili mnogobrojne primjere dobrih praksi koje provodimo u našim općinama. O tome se vrlo malo govori u javnosti te se najčešće ističu negativne stastistike“, kazala je Mešetović. Prisutni predstavnici općina na kraju su se složili da će nastaviti saradnju, razmjenu prakse i iskustava, ali i mogućnosti realizacije zajedničkih projekata, a sve u cilju pružanja podrške mladima.



Radne posjete

Na Babinom Dolu upriličena svečana primopredaja mašine

septembar 2023.

Na Babinom Dolu, na Bjelašnici upriličena je primopredaja doniranog višenamjenskog vozila/mašine od strane Kantonalne uprave civilne zaštite Kantona Sarajevo za Općinu Trnovo. Naime, nakon potписанog Sporazuma između Općine i Kantonalne uprave, te nakon zajednički izdefinisanih tehničkih karakteristika mašine, Općina je provela proceduru javne nabavke. Vrijednost Ugovora bila je 215.000 konvertibilnih maraka bez PDV-a, te je nakon odabira najpovoljnijeg ponuđača, kompanije TERRA BiH d.o.o. iz Hadžića, ista jučer isporučena Općini. Direktor Kantonalne uprave civilne zaštite u ovom povodu je izjavio:

„Uveli smo praksu u posljednje dvije godine da općine apliciraju sa određenim projektima, nabavke opreme i materijalno-tehničkih sredstava, otprilike onoga što općine prepoznaju da im je potrebno u određenim službama radi popunjavanja i kapacitiranja. Ove godine smo potpisali Sporazume sa općinama u Kantonu Sarajevo, u vrijednosti od milion i 450 hiljada, a jedan od projekata je i ova radna mašina za općinu Trnovo u vrijednosti od oko 250 hiljada konvertibilnih maraka. Moram istaći kako je Općina Trnovo jako brzo reagovala i izvršila nabavku mašine. Sporazum smo potpisali u šestom mjesecu, a evo sada je deveti, i obzirom da nam je poznato kako su kod nas jako spore i kompleksne procedure javnih nabavki zaista je za pohvalu da je Općina ovako brzo reagovala i nabavila ovakvu mašinu. Nadam se da će se mašina što manje koristiti u represivne aktivnosti, da ćemo se više baviti prevencijom, da ćemo svi više raditi na uređenju riječnih korita i svemu onome što će spriječiti prirodne i druge nesreće. Koristim priliku da čestitam još jednom Općinskom načelniku i Općini Trnovo i naravno da stavim Kantonalnu upravu zajedno sa Vladom na raspolaganje svim Općinskim načelnicima kako bismo osavremenili i povećali kapacitete općinskih službi.“

Operativni direktor firme Terra BiH, Tarik Kamenjašević prilikom uručenja mašine istakao je karakteristike rovokopača/utovarivača marke JCB, jedne od najmodernijih mašina u toj klasi, koja je dodatno opremljena hidrauličkim čekićem, a uz nju je isporučen i plug za čišćenje snijega u zimskim uslovima, stoga je pogodna za korištenje tokom cijele godine. Istakao je da je mašina opremljena i satelitskim praćenjem na period od pet godina, te da ova moderna mašina komunicira i sa servisnom službom u slučaju eventualnih tehničkih problema, a fabrička garancija vrijedi za period od dvije godine. Općinski načelnik je zahvalio Kantonalnoj upravi civilne zaštite i njenom direktoru jer su prepoznali projekat koji je Općina kandidovala. Ova mašina služiti će za zaštitu prirodnih dobara, za zaštitu građana i njihove imovine u slučaju eventualnih elementarnih nepogoda, no svakako ističe i načelnik cilj je spriječiti nastale štete, dakle raditi na prevenciji jer su tako troškovi manji, nego oni koje treba snositi za sanaciju nastalih šteta. Opremanje jedinica koje se bave sigurnošću i zaštitom građana i imovine treba da bude prioritet, te na samom kraju svog izlaganja u ovom povodu načelnik je kazao kako se nada proženju i još boljoj daljoj saradnji sa Kantonalnom upravom civilne zaštite. Općina doniranu mašinu stavlja na raspolaganje JKP Trnovo, te je u tom povodu nekoliko riječi kazao i direktor ovog preduzeća, Duran Bandić:

– Radi se o mašini koja će služiti za potrebe službe zaštite i spašavanja općine Trnovo, konkretno predata je na upravljanje JKP Trnovo. Mašinu ćemo koristiti za naše redovno poslovanje, no naročito će svoju funkciju iskazati u zimskom periodu jer je opremljena i nožem za čišćenje snijega, koji nam je zaista neophodan obzirom da ovdje imamo jako velike sniježne nanose. Također njena namjena će zasigurno biti vidljiva i od pomoći i za čišćenje bujičnih vodotoka, jer kako je već poznato da na području općine Trnovo ima više reona sa rizikom od poplava. Svakako iskreno se nadam da će više služiti u neinterventnim okolnostima, istakao je direktor JKP Trnovo.



Radne posjete

Posjeta ambasadora Slovenije i Centra za međunarodno sudjelovanje i razvoj (CMSR)

U novembru mjesecu protekle godine Općinu Trnovo posjetila je delegacija Centra za međunarodno sudjelovanje i razvoj (CMSR) i ambasador Slovenije u Sarajevu, njegova ekselencija Damijan Sedar.

Delegacija je, nakon sastanka u kabinetu Općinskog načelnika, posjetila lokaciju na kojoj je izgrađen prečistač po savremenoj tehnologiji PVA MBBR, čiju je izgradnju sufinansirala Republika Slovenija putem CMSR-a, te su dogovoren dalji koraci.

Na poziv Ambasade Republike Slovenije i Centra za međunarodnu saradnju i razvoj (CMSR), istog dana Općinski načelnik je prisustvovao informativnom sastanku o razvojnoj saradnji Republike Slovenije preko CMSR-a. Na sastanku je predstavljeno bilateralno razvojno sudjelovanje Republike Slovenije usmjereno prema zemljama Zapadnog Balkana, te mogućnost i način sufinansiranja projekata preko donacije Republike Slovenije. Na samom početku informativnog sastanka koji je održan u prostorijama Ambasade Republike Slovenije u BiH, pozdravnim govorom obratili su se ambasador Republike Slovenije u BiH Njegova ekselencija Damijan Serdar, direktor CMSR-a Dejan Prešićek i šefica Odjela za međunarodnu razvojnu suradnju CMSR-a Mojca Kopše. Nakon obraćanja uslijedila je i prezentacija razvojne saradnje Republike Slovenije putem CMSR-a. Centar za međunarodnu saradnju i razvoj (CMSR) je nezavisna, neprofitna, istraživačka i savjetodavna organizacija u oblasti međunarodnih ekonomskih odnosa čiji počeci datiraju iz 1960-ih godina. Republika Slovenija i SID banka su osnovale CMSR za potrebe javnog interesa u oblasti međunarodne razvojne saradnje. Općina Trnovo će u narednom periodu pripremiti i neke nove prijedloge projekata koji bi mogli biti finansirani od strane CMSR-a Republike Slovenije.



Potpisan sporazum o sufinansiranju u sali Fonda memorijala

Fond memorijala osnovan je 1997. godine od strane Skupštine Kantona Sarajevo. Prvobitna misija Fonda bila je upravo to, da se sistemski riješi izgradnja i postavljanje, te na koncu i očuvanje i održavanje grobalja šehida i poginulih boraca, ali i nadgrobnih spomenika za veterane, pripadnike Armije i MUP-a Republike Bosne i Hercegovine, kao i ostala spomen-obilježja.



U multimedijalnoj sali Fonda Memorijala u ? mjesecu potpisano je nekoliko sporazuma o sufinansiranju projekata iz oblasti promoviranja kulture sjećanja i izgradnje spomen-obilježja, a jedan od njih je i sa Općinom Trnovo. Potpisivanjem ovih sporazuma, Fond Memorijala i Ministarstvo za boračka pitanja Kantona Sarajevo nastavljaju aktivno sudjelovati u realizaciji, podršci i promociji projekata koji doprinose institucionaliziranju kulture sjećanja. Sredstva koja je prethodnih godina izdvajao Fond memorijala i Ministarstvo za Općinu Trnovo između ostalog, usmjeravana su u sanaciju i održavanje mezarja. Ovoga puta sredstva će biti usmjerena u sufinansiranje projekta postavljanja ograde na mezarju u naselju Godinja. Ovakvi projekti ostaju trajno naslijeđe za generacije koje dolaze, čuvajući sjećanje na važne događaje iz prošlosti, zaključak je sa današnjeg potpisivanja Sporazuma.

„Istinski dugujemo veliku zahvalnost Ministarstvu za boračka pitanja Kantona Sarajevo, ministru Osmanoviću i naravno Fondu memorijala, na čelu sa direktorom Ahmedom Kulanićem putem kojih se realizuju ovi za nas značajni projekti. Zahvalni smo za pomoći i odličnu saradnju koju imamo“, istakao je pomoćnik Općinskog načelnika, gospodin Esad Velić koji je danas potpisao ovaj Sporazum u ime Općine Trnovo.

Ramazanska priča iz Trnova

Trnovo je mjesto gdje se njeguju tradicija i običaji, a Ramazani imaju posebnu čar. Sve izgleda baš kao nekada. Na svakom koraku uz miris somuna i tople tope od domaćih jaja, kajmaka i sira osjeti se duh Ramazana. Općinski načelnik i uposlenici Općine, uz dobročinitelje koji su pomogli obezbijediti hranu, pripremili su i podijelili iftare u svim mjesnim zajednicama općine.

Nakon upriličenih iftara u mjesnim zajednicama Dejčići i Delijaši, u MZ Šabići podijeljeno je 140 iftara, dok je u posljednjoj četvrtini Ramazana priređen iftar u Kijevo za 298 građana, gdje je gost, na zadovoljstvo džematlija bio imam i hafiz Amar Bašić.

U mubarek 27-oj noći Ramazana Općina Trnovo organizovala je posljednji iftar za ovu godinu. U centralnoj džamiji u Trnovu iftarilo je oko 90 sugrađana nakon čega je nastavljeno sa prikladnim druženjem i ibadetom. Istovremeno, u pred iftarsko vrijeme proteklog dana uposlenici Općine i volonteri podijelili su oko 300 iftara za starije i bolesne sugrađane po naseljima ove mjesne zajednice koji nažalost nisu bili u prilici da prisustvuju iftaru.

– Naš kolektiv svake godine praktikuje neki dobrovoljni rad, tako smo ove godine došli na ideju da to bude sudjelovanje u organizaciji, podijeli iftara uz pomoć dobrih ljudi koji su pomogli.

U čast mubarek mjeseca ramazana i najdražeg gosta u kućama naših građana, mi ovim gestom želimo se približiti jedni drugima, družiti se, zajednički raditi, jer to i jeste smisao Ramazana-približiti se i jačati vezu sa Gospodarom, a zatim jačanje veze sa porodicom, rođbinom i prijateljima.

Bajram dočekujmo kao vjerničku radost, čista srca i otvorene duše.



Uručena Zahvalnica Islamske zajednice Općini Trnovo

U organizaciji Džematskog odbora Delijaši, u džamiji Delijaši na dan 30. maj proučen je Mevlud-i- Šerif i održan prigodan vjerski program koji se održava tradicionalno u isto vrijeme svake godine u ovoj mjesnoj zajednici. Ovom prilikom dodijeljeno je priznanje i zahvalnica Općini Trnovo za doprinos u obnovi džamije u Delijašima.

Glavni imam Medžlisa IZ-a Sarajevo dr. Abdulgafar Velić je tom prilikom kazao kako mu je zadovoljstvo da je tu i da će lično uručiti Zahvalnicu. Kroz svoje kratko izlaganje spomenuo je i kako je ovo područje, općina Trnovo, tačnije ovaj kraj-Crna rijeka jedno od rijetkih društava koja su se još u srednjem vijeku izgradila kao sredine u kojima je život poželjan, još od sultana Fatiha, što bilježe i brojne poznate historijske činjenice, pa i sama džamija za koju nema pouzdanih podataka o tome kada je prvi put sagrađena, mada po predanjima njena izgradnja seže u daleku prošlost.

Zahvalnicu je u ime Općinskog načelnika primio pomoćnik Općinskog načelnika, gospodin Mirsad Mešić iskreno se zahvalivši na dolasku kao i na Zahvalnici koja je uručena.



Održan tradicionalni teferič na Husremovcu

Drugi i treći dan avgusta, na Husremovcu, odavno su upisana u kalendar tradicije. Općina Trnovo finansijski je podržala organizaciju Husremovačkog teferiča.

Tradicionalni teferič održava se svake godine na Aliđun, 02. Avgusta. Aliđun se širom Balkana obilježava kao praznik kojim se proslavlja sredina ljeta i dolazak kiša. A kada je u pitanju općina Trnovo ovo je zaista duga tradicija koja seže od turske vladavine u Bosni i Hercegovini, tačnije od Gazi Husrev-bega koji je ovdje na ovom prostoru doveo svoju vojsku, te je po njemu mjesto dobilo naziv Husremovac.

Procjenjuje se da je ovom velikom trnovskom druženju prisustvovalo nekoliko hiljada posjetilaca. Jedan od najvećih razloga velike posjete, pored lijepog vremena, su dobra priprema i ponuđeni kulturno-zabavni i sportski sadržaji. Dok najmlađi vrijeme provode na ringišpilu, nešto stariji ovaj aliđunski dan provode na pravi gurmanski način uz janjeće pečenje i tradicionalno kolo, te tradicionalno takmičenje u bacanju kamena s ramena.

U prolazu jedna gospođa je istakla, da na prostrane razlivene poljane stiže čak iz Norveške svake godine.

– Dolaze ljudi sa svih strana, iz sela i gradova, iz dijaspore. Stari i mladi, zaključuje gospođa Nurija.



Jednodnevni izlet u Neum za osnovce iz Trnova

Crveni križ i Merhamet općine Trnovo organizovali su jednodnevni izlet za učenike Osnovne škole „Zaim Kolar“ iz Dejčića i učenike područne škole „Sveti Sava“ iz Kijeva. Izlet u Neum je organizovan na inicijativu anonimnog donatora, te uz podršku još nekoliko donatora i uz finansijsku pomoć Općine Trnovo. Učenici su proveli dan na moru, te u povratku obišli grad Stolac gdje su imali upriličen ručak.

-Prvobitna ideja, pomalo neobična, našeg anonimnog donatora je bila da djeci koja nikad nisu bila u prilici vidjeti more isto omogući, a onda smo uključivši i druge donatore, te uz pomoć naše Općine organizovali da sva djeca, koja žele, idu na ovaj izlet, objasnio je predsjednik Crvenog križa Općine Trnovo Amer Hromo.



Održana dvodnevna inhouse obuka na temu „Pisanje prijedloga projekata“

Na zahtjev Općine Trnovo, Agencija za državnu službu Federacije BiH organizirala je i uspješno provela dvodnevnu inhouse obuku na temu „Pisanje prijedloga projekata“.

Na obuci je prisustvovalo 18 uposlenica/ka Općine Trnovo, a realizator i predavač bio je Almir Kapisazović.



Efikasan sistem upravljanja otpadom

Izrađen je Strateški plan KJKP "RAD"(2023.-2030.) a koji je dio projekta "Efikasan sistem upravljanja otpadom u Kantonu Sarajevo", koji finansira Vlada Češke Republike, a koji se implementira od strane NVO People in Need Bosnia and Herzegovina, te partnerima na projektu DEKONTA a.s. i KJKP "RAD" d.o.o. Sarajevo. Pored predstavnika i partnera u projektu, radionici i diskusiji u povodu izrade Strateškog plana, kao i u samom projektu Efikasnog sistema upravljanja otpadom su prisustvovali predstavnici lokalnih zajednica, Federalnog ministarstva prostornog uređenja i turizma i predstavnici ZEOS eko-sistema. Općina Trnovo je ovom prilikom bila pozivana kao pozitivan primjer, kao lokalna zajednica koja sarađuje, izda potrebne dozvole i saglasnosti, odnosno napravi sve korake koji se očekuju od nje u rekordnom vremenu zarad brže implementacije projekata.



Postavljeni kontejneri za e-otpad u Općini Trnovo

Po osnovu prijave Općine Trnovo na Javni poziv, objavljen putem web stranice www.zeos.ba, te u skladu sa napravljenom analizom Općina Trnovo dobila je jedan ovakav kontejner. Princip donošenja odluke za odobrenje broja e-kontejnera zasnivao se na analizi da li u općinama već postoje e-kontejneri za e-otpad, raspoloživih sredstava, te na osnovu broja stanovnika.

-Prilikom odabira cilj nam je bio da omogućimo svim građanima Federacije Bosne i Hercegovine pravilno odlaganje u općinama u kojima trenutno ne postoje e-kontejneri, pa je stoga odobreno postavljanje e-kontejnera u svim prijavljenim općinama, a zbog velikog broja općina smanjen je broj e-kontejnera po općini, izjavili su iz Zeosa.

Od općina kao partnera se očekivao prijedlog lokacija i saglasnost nadležne službe kojom se odobrava postavljanje e-kontejnera, što je Općina Trnovo ispunila, te je uslijedilo potpisivanje memoranduma o saradnji između Općine i društva ZEOS eko-sistem d.o.o. Na osnovu postavljenih e-kontejnera u toku godine za koje će ZEOS eko-sistem obezbijediti besplatno pražnjenje, informisanje stanovništva i zbrinjavanja e-otpada, biti će izvršena analiza sakupljenih količina e-otpada i efikasnosti e-kontejnera, te će se u skladu sa tim donositi naredne odluke u vezi povećanja broja infrastrukture za odvojeno sakupljanje e-otpada.



Održana sjednica Skupštine Saveza općina i gradova FBiH

Općinski načelnik, Ibro Berilo prisustvovao je trinaestoj sjednici Skupštine Saveza općina i gradova Federacije Bosne i Hercegovine, održane 10.10.2023. godine u hotelu Tarčin Forest Resort & Spa, MGallery u Hadžićima.

Nakon kratkog uvodnog obraćanja predsjedavajućeg Skupštine, gospodina Suada Huskića prisutne su pozdravili predstavnik Ambasade Švedske, gospodin Mario Vignjević, te u ime Asocijacije lokalnih vlasti i regiona Švedske (SALAR) Lena Falcón i Pontus Forberg.

U okviru tematskog dijela Skupštine lokalna ekspertica Adelina Džanković predstavila je izvještaj „Garancija lokalne autonomije u Federaciji Bosne i Hercegovine kroz usklađenost sa standardima Evropske povelje o lokalnoj samoupravi“, ukazavši na probleme neusklađenosti zakonskih propisa u Federaciji Bosni i Hercegovini sa Zakonom o principima lokalne samouprave u FBiH te da je od deset kantona u FBiH samo Unsko-sanski kanton donio Zakon o lokalnoj samoupravi koji je usaglašen sa Zakonom o principima lokalne samouprave u FBiH.

Članica Komisije za ustavna i zakonodavna pitanja Saveza općina i gradova FBiH gospođa Elvira Bolić Imširović, izvjestila je članove Skupštine o prijedlogu modela Etičkog kodeksa Gradskog/Općinskog vijeća. Napomenula je da je Kodeks prihvaren od strane Predsjedništva Saveza.



Istakla je kako se ovdje radi o zajedničkom projektu OSCE-a i Saveza.

U radnom dijelu Skupštine, članovi Skupštine su jednoglasno usvojili Poslovni model Saveza 2024-2026. kao i Izvještaje o radu organa i tijela Skupštine Saveza i direktora Saveza za period 1.1.2022.-30.6.2023. godine.

Matične knjige Općine Trnovo – 2023. godina

U Općini Trnovo u protekloj godini je 37 parova izreklo svoje sudbonosno „Da“.

Gradjanski brak, zakonom uređena životna zajednica žene i muškarca sklapa se saglasnom izjavom pred matičarem. Sklapanje braka je jednostavan proces u Općini Trnovo. Uz potrebnu, zakonom propisanu dokumentaciju vjenčanje u Općini i na njenom cjelokupnom teritoriju je dostupno svakim danom. Svi potrebni obrasci za prijavu vjenčanja su dostupni na šalter-sali Općine.

Prema socijalnom programu Općine, po prvi put Budžetom iz 2017. godine dodijeljivana su sredstva za potporu novovjenčanih parova. Općina Trnovo će sada već sedmu godinu za redom, i u tekućoj 2023. godini novim bračnim parovima isplaćivati jednokratnu novčanu pomoć – poklon u iznosu od 500,00 KM. Na ovaj način Općina želi pomoći mladima u zasnivanju porodice.



U 2023. godini u Općini Trnovo upisano je 25 beba u matičnu knjigu rođenih.

Općina već četiri godine obezbjeđuje dodatne naknade porodicama za svako novorođeno djete. Naime, općina je 2015. godine donijela odluku kojom se odobrava isplata novčanih sredstava iz Budžeta Općine za novorođenu djecu u periodu od 12 mjeseci, u iznosu od 50,00 KM mjesечно a koja su upisana u matičnu knjigu rođenih Općine Trnovo i čiji roditelji aktivno žive na teritoriji iste.

Prema izvještaju za proteklu godinu, kada su u pitanju matične knjige Općine, napomenut ćemo i da je u matičnu knjigu umrlih upisano 39 osoba.

